





A XXXIII.p

George C.

2/2

eben so gut: Versuch, Abhandlung, Bemerkungen, Widerlegung oder wie du willst, benennen kannst. Der Schluss sey wenigstens der Schluss eines Briefes; das Ganze ende sich mit der Bitte: mir deine Freundschaft zu erhalten.

*G*** im August 1796.*

JOSEPHI SALOMONIS FRANK
MEDICINAE DOCTORIS

OBSERVATIONES

MEDICINALES

CIRCA RES GESTAS

I N

CLINICO INSTITUTO

NOSOCOMII VINDEXBONENSIS

ANNO MDCCXCVI.



V i e n n æ A u s t r i æ
apud Christ. Frider. Wappeler

1 7 9 7.

Digitized by the Internet Archive
in 2016 with funding from
Wellcome Library

<https://archive.org/details/b28780644>



P r æ f a t i o n

Vereor, ne parva vela darem Tyrrhe-
num per æquor , dum lego vestigia
eximii viri , cui ob suavitatem morum
magnamque eruditionem , non invida
Posteritas , locum inter Fridericum
Hoffmannum Swieteniumque , jure
concedet. — Sed est ei animus , lau-
dem spernens vilem , nudamque amans
veritatem , suum fecit Romani Poetæ

effa-

effatum, non jurare in verba magistri; hoc semper innixus, audaci cum gtes-
su secutus sum eeleberrium virum ad
ægrotantium lectulos, ibidemque om-
nia, quæ præclare ab eo facta fue-
runt, diligenter annotavi, & si hinc
inde aliquid (meo quidem tenui judi-
cio) sagacitatem expertissimi viri fefel-
lit, etiam hoc cum Probitatis penicil-
lo depinxi, nilque hic libellus conti-
net, quod ipse met non vidi, & quod
non, in dubio casu, amicorum quo-
que consiliis subjeci, quas observa-
tiones nunc in lucem edo; trementi
quidem cum manu, dum mens con-
scia tenuitatis, vetat

Laudes egregii viri
Culpa deterere ingenî.

Ad

Ad tedium lectorum , quāntum fieri possit , evitandum , multas morborum historias nil novī complectentes omisi , ex aliis corollaria eduxi , & solummodo has fusius recensui , quā scitu dignissimæ mihi videbantur.

Tempore , quo viget opinionum bellum ubique , quo injurioso pede super cineres summorum medicorum incidunt , quo Brownium temere secuti eheu ! nimiam morborum simplicitatem quærunt ; juvat hoc tempore videre persapientem nostrum Professorem , luctantem cum novis systematibus hodiernæ medicinæ , undique veritatem deponentem , somniaque ridentem , ut denique Hippocratica ars , firmis stabilita fundamentis , propugnaculum esse possit , contra impetum obtrectatorum ejus laudis . —

Observatio enim est fons ; ex
quo hausit , illustris noster Frankius ,
cum Baglivio dicens : „dum considero
„ naturam sui juris esse , nec ingeniis
„ addictam nostris , suosque motus
„ ita occulte peragere , ut nulla alia
„ via investigari facilius possint , quam
„ per observationem , vel , per ratio-
„ nem observationis pedissequam.



HISTÓRIA E.

Febris nervosa stupida.

Vir 46 annorum, ante viginti annos veribus & hæmorrhoidibus vexatus, emaciatus infirmoque corporis habitu, vino nimis indulgens I. Januar. strenue potans, noctem ebrius transegit, altero iam die correptus fuit corporis tremore, horrore, capitisque dolore; vires animi corporisque prostratae, & cibos omnes abhorrait. Infecutus est vomitus cruentus & granis sanguinis ore naribusque prodierant. Nec non & Diarrhæa cum cholera sp̄écie defuit. Medicus aliquis exhibuit purgantia, quæ spatio quatuor dierum, alvum trigesies moverunt; inter hasce dejectiones tēnia septem ulnaram exclusa fuit. Sudor per tres dies ingens, ita ut sexto morbi die iam debilitas summa, delirium continua, petechiæ præcipue in extremitatibus copiose, aucta fuerunt hæc symptomata ad decimum usque diem, ubi in clinicum delatus fuit, sequentia exhibens: emaciatum corpus, delirium lene, stupiditatem, petechias lividas co-

piosas, extremitatum frigus, moestos oculos
linguam sicciam, sitim urgentem, pulsus len-
tum, quidquam plenum & durum. Est qui-
dem æger mentis compos, accurate respon-
det, sed memoria admodum vacilla &
vox vix percipienda. Abest capitis dolor &
respiratio est bona. — Cum omnia sympto-
niata præter pulsus, summan debilitatem ostendant,
sequentia porrigebantur:

Rx. Cort. peruv. unc. unam cum dimid.
coque in aquæ commun. unc. viginti
colat. libr. unius adde
aquæ cinamom. cum vino unc. duas
liquor. anodyn. miner. Hoffn. drach. unam
cum dimid.
syrup. cort. aurant. unc. unam.
d. sign. omni bihorio, sumat inde vaseu-
lum medium.

Duo vesicantia ad furas ut rubefacientia.

Die I I mo morbi. Nox fuit tranquilla, se-
xies alvum depositum, calor est naturali
major, pulsus magis elevati ac pleni sed len-
ti. Ne ergo æger nimis irritetur, simulque
ut diarrhæa refrenetur; ordinatum fuit decoct.
cort. simplex (quod ex unc. una cort. peruv.
paratur) ad libram unam aquæ, laudani li-
quid. gutt. quindecim; relictis cœteris medi-
camentis hesternis. Vinum porrectum fuit ad
libr. unam.

Vespertino tempore calor naturalis quidein & lingua non adeo sicca cutisque mollis, at tamen propter debilitatem duo vesicantia ad brachia applicata fuerunt.

Die 12mo morbi. Per noctem delirium & sudor magnus — alvus clausa. Hodie subsultus tendinum frequentes, levis oculorum phlogosis, oris foetor, sitis magna, pulsus inconstantes quidem & lenti ad 52 ictus, attamen elevati, duri, pleni — addita fuit serpentaria radix ad drach. tres decoct. cort. libræ unæ & syrup. aurant. unc. una — ut capiat more solito. Vini libra una,

Vesperi bis vomuit æger, tendinum lusus frequentiores, tremores totius corporis hinc inde. Medicina eadem.

Die 13tio morbi. Nox quieta, sudor levis, delirium imminutum, cutis calor naturalis, pulsus quidem naturali non frequentiores duritiem tamen non deperdunt, digitos ferientes, instar pulsum illorum inflammatoria febi laborantium. Disparent petechiæ, facies fit hilarior; rubent genæ; vires coporis & animi incrementum ceperunt — pruritum in pectoris abdominisque regione accusat — sitis magna. Medicina hesterna, diæta quarta.

Die 14mo morbi. In singulis melior ægrotantis conditio : fitis tamen urget pulsus inque durities. Medicina omni trihorio. Diæta quarta.

Die 15io morbi. Convalescit, fitis autem perdurat. Medicina nulla. Diæta tertia. Vini lib. una.

Diebus 16 & 17mo convalescentia manifesta, sed fitis vix sedanda. Vini libr. diætæ dimid. — diæta dimidia. —

Die 18vo morbi vesperam versus inopinato exsurgit nova febris exacerbatio, inflammatorium morbum portendens, pulsus duri, pleni, calor auctus, rubent genæ, & cutis aret; absque data causa (an non a diæta nimia?) Dixit illustr. Frankius, si morbus sic continuaret, venam certe tundendam fore, interim adhuc caute nobis incedendum esse in ægròtante iam adeo debilitato. Hinc præter decoct. hordei, & diætam strennam nil ordinatum fuit.

Die 19no morbi. Febris perdurat, pulsus pleni ac duri, calor siccitasque oris augmentur, nondum illustr. Frankius ausus est aliquid contra hunc morbum moliri : jussit : in diæta stricta potuque multo perseverandum. Vespertina autem

tem exacerbatio vehementior hesterna fuit,
hinc præscriptum

R. Pulp. pranor. unc. duas
cremor. tartari drach. unam cum dimid.
solve in aquæ unc. sex d. sign.
omni bihorio vasculum medium.
Dixta quarta — Vinum nullum.

Die 20mo morbi. Alvus quinques mota, & vespertina exacerbatio jam multum imminuta, per noctem largus sudor, & matutina hora jam plane sine febri, os humidum; (hæc cito convalescentia, cum tantæ aderant febriles turbæ, clare demonstrat, diætæ errorrem huic incendio fomitem præbuuisse, excusso hoc, omnia siluerunt, Nam si inflammatoria fuisset morbi indoles, certe hoc exiguum debilitans remedium tam magnum levamen præstare non potuisset. Saburras autem gastricas sæpe inflammatorium stadium mentiri, inter alios, Stollius egregie exposuit) ergo præter decoct. hordei nil porrectum fuit. Diebus succedentibus ad 26. morbi diem convaluit; & hac die sanus nosocomium deseruit.

Vidimus confirmata Celsi dicta: pulsum rem esse falacissimam. Re vera in hoc ægrotante pulsus duri atque vibrantes fuerunt, quemadmodum in febri inflammatoria esse solent;

lent; semper fuit vino deditus, & constanti gavisus est valetudine, ita ut mirati simus egegum nostrum Professorem ad roborantia confugisse; sed epidemia regrans nervosa, debilitasque summa, expertissimum virum ad hanc methodum impulit, de qua & optimum & repentinum vidimus effectum. Præcipue autem docuit veram morbi indolem singularis vultus moestitia; „precor, sæpe dixit illustris vir, „precor, ut totam vestram attentionem adhuc beatis in ægrotantis vultum; unde multa diagnostica signa sunt deponenda.” De hac remultum venerabilis egit vetustas; & præcipue magnus Baglivius, jubens in magnis malis semper faciem inspiciendam. In præeos medicæ libr. I. de voce & facie in acutis.

HISTORIA II.

Pleuro - peripneumonia cum febre inflammatoria.

Puer 13 annorum, antea sanus, hac hyeme jam quinques passus est pleuritidis insultus, prope fere die evanescentes. Die 31mo Decembris autem, correptus fuit horrore & subsequente calore haud diu tamen durante, mox infecitus est dolor pungitorius in latere sinistro, nec non amarities oris, vomituritiones, nausea & dedolatio magna aderant.

Sumto versus vesperam purgante ex pulvere jalapp. ter alvum depositum & multam bilem cum sanguine (si ipsi sit fides habenda) vomitu ejecit, absque levamine.

Altero die nosocomium petenti, secta fuit vena, & decoct. emolliens accepit.

Die tertio morbi postmeridiem in scolam practicam delatus exhibuit, praeter enarrata adhuc sequentia; respirationem difficilem, tussim autem moderatam, pulsus durum, lingua siccata, rubet facies, & hypochondria tensa dolent tactu. Cum manifesta adessent peripneumonice signa, emissus fuit sanguis ad unc. decem, & fomentum emolliens ad latus affectum; interne

R. Crenor. tartar. drach. sex

pulpæ tamarind. unc. duas

solv. in aquæ commun. unc. novem. Omni
bihorio vasculum,

Clyster emolliens.

Die 4to morbi. Nox inquieta. Mane pulsus paulisper moliores, respiratio autem adhuc difficilis; urina rubra, atque sanguis emissus crusta lardacea obtectus. Continuantur in hesternis medicamentis. Vesperi autem anxietas pectoris magna, dolor punctorius spiritum præcludeus, pulsus duriores ele-

vati, calor cutis auctus, sudat. Aluum crebro depositit. — Venæ sectio ad unc. octo, & decoct. hordei cum nitri drach. una. —

Die 5to morbi. Præter pulsuum celeritatem omnia meliora, sanguis hesternus corio phlogistico obductus. Contin. in decoct. hord. cum nitro. — Vesperi omnia symptomata peripneumoniæ recruduerunt, diarrhœa multa æger per diem laboravit — levamen ergo item in phlebotomia quæsitum est. Fomentationes emollientes ad locum dolentem.

Die 6to morbi. Nox quieta: sudor universalis. Diarrhœa imminuta, sanguis corio lardaceo tectus, urinæ tinctoræ, pallid facies atque genæ rubent; nec non & genua dolent, quem dolorem jam heri percepit æger. Pulsuum durities atque respiratio impedita adhuc perstans affectum exhibent. Adest sitis atque sputa pauca ejiciuntur; illustris Frankius ad levem sudorem proliendum præscripsit
 Rx. Aquæ flor. sambuc. unc. quatuor spiritus minderer. unc. unam cum diuinid. oxymel. simplic. unc. unam. sumat more solito.

Vesperi, remedio mane dato sudor prolicebatur, nec non & parva diarrhœa; nunc dolor punctorius auctus — aret cutis — pulsuum aliqua

qua inconstantia, & hinc inde ludunt tendines. Ordinatum fuit:

R. Polygal. senekæ unc. dimid.

coque leniter in æquæ commun. suffic. quau-
tit. colat. unc. decem adde
syrup. althææ unc. unam. Capiat more solito.
Duo vesicantia ad furas.

Die 7mo morbi. Nocte æger propter tus-
sis vehementiam dormire nequivit. — Mane
omnia symptomata peripneumoniæ urgent. —
Sputa nulla — urina rubra, admodum celer
pulsus; nil mutatum fuit in medicamentis. —
Vesperi exacerbatio non tanta, pulsus mol-
liores, sed dolor punctorius sœvit in latere
affecto, ad genna autem ex integro dispa-
ruit. Applicatum fuit vesicans ad latus. Nox
insecuta inquieta, vomitu bis repetito decoct.
polygal. ejecit. —

Die 8vo morbi. Dolor lateris punctorius
ex integro evanuit — omnia symptomata
meliora, amarities adest oris. Sepositum fuit
decoct. polygal. & præscriptum infus. sam-
buc. unc. quatuor, spirit. minderer. unc. duæ,
syrup. althææ unc. dimid. omni bihorio co-
chlearia duo. Vespere exacerbatio fere nul-
la, respiratio nisi ex profundo fit, non im-
pedita. Præter somenta emollientia ad pectus
pil ordinatum fuit.

Die 9no morbi. Nox tranquilla, tussis nulla; respiratio bona, dolor nullus. decoct. hordei. Diæta quarta.

Die 10mo & 11mo Convalescens.

Die 12mo & 13tio adhuc apud nos ha-
fit. 14to autem morbi die sanus a nobis di-
missus fuit.

Ex dolore illo vago nunc genua nunc latus
occupante, ex cito levamine, quod attulere ve-
sificantia, secundum Pringlii & Stolii consilium, ad
partes affectas applicata; clare patet, hic,
rheuma simul cum febre inflammatoria junctum
fuisse. Quare ergo illustris Frankius, jam
sesto morbi die, ubi adhuc inflammatio vi-
guit, uti ex symptomatibus enarratis viden-
dum, jam lene stimulans præscripsit? (ace-
tum autem ammoniacale inter lenia stimulan-
tia attinere, egregius vir ipse docuit, nec
non hoc remedium adhibuit, ubi lenia exci-
tantia indicata fuerunt) & nunc secunda nasci-
tur questio: cur in vespertina exacerbatione,
ubi dolor simul cum pectoris anxietate incre-
mentum ceperunt, ad polygal. senek. infu-
sum, inflammationi cum vera febri inflamma-
toria contrarium, confugit? & effectus hoc
docuit; nam æger ob tussim vehementem dor-
mire nequivit, quod forsitan altero die quo-

que

que exacerbationis tempore accidisset, n̄i
æger medicamentum vomitu rejecisset! An pro-
pter celeritatem inconstantiamque pulsuum,
tendinumque lusus? Sed hæc symptomata quo-
que sub inflammatoria febri, præcipue in sen-
sibilioribus fœminis puerisque, contingere,
vir egregius aliquot tempus post, in scola
præctica ipse docuit; dicens: non semper a ce-
leritate iætum arteriarum, tendinumque lu-
su, ad nervosum statum morbi concludendum
esse; cum hæc, urgente vel febre inflamma-
toria vel gastrica faburrâ, vel etiam eruptio-
ne exanthematis alicuius, apud sensibiores non
raro occurrant. Re vera, sic & res se ha-
bet, cum aurium susurru, qui instanti sanguini-
nis e naribus expulsione, uti jam Hippocra-
tes in coac. prænotation. annotavit, in
doloribus capitis apud hystericas præcipue, in
coryza, in cynanche quacunque & in febri-
bus cum faburra gastrica, persæpe locum ha-
bet; & nuper juvenem tractavi, qui febri
sat forti, cum aurium tinnitu & tendinum
lusus ex faburrali causa, laboravit; lenibus
evacuantibus brevi restitutus fuit. Vellem
illustrem Frankium, quoque fusius egisse de
fallacitate symptomatum nervosorum; nam sæ-
pe adeat dolor capitis supra orbitas, aurium
susurrus, tendinum lusus, inconstantia pul-
suum, attamen urget vel sthenica febris, vel
locale malum. Quoties non audivi a junio-
ri-

ribus medicis, adeo aurum susurrus, ergo est febris nervosa, & exemplum notum est, juvenem ad nos venisse cum tumente parotide, odontalgia, pulsu contracto (a vehementia doloris) facie inflata, lassitudine, & aurum tinnitus, mox, absente professore, declararunt pro febri nervosa corticisque decoctum porrexerunt, sed altero die cum professor vidit agrotantem, qui manifesta exhibuit symptomata febris inflammatoriae, rejecit corticem, & cum methodo antiphlogistica brevi sanatus fuit. Non aliud est cum delirio. Delirium a stagnante colluvie in primis viis nasci posse, Stollius egregie exposuit: sed ego observavi apud histriones alicujus momenti, qui magna imaginatione pollent & memoriam rebus non suis exercent, nec non & vino indulgent; hosce jam a minima febre delirare; & nuper virum hoc munere fungentem & lenissima febri laborantem, tractavi, qui ambulando jam mente captus fuit. Sic & non multum valet, si concludimus: prægressæ sunt causæ debilitantes, ergo est febris nervosa. Quoties non in carceribus, sub summis corporis atque animi ærumnis viderunt in arte medica expertissimi viri, veras febres inflammatorias? Ubinam magis prægrediuntur causæ debilitantes, quam in puerperis, attamen sere omnes auctores, qui de puerperarum morbis scripsierunt, satentur, aliquando fe-

brim

brim puerperalem inflammatoriæ indolis esse
 posse? Certe multum debemus Brunoni, viro
 acuti ingenii, qui restauravit pristinum, at-
 que oblivioni fere traditum Hippocratis effa-
 tum: „Medicina additio est, & subtractio, &
 „eorum quidem, quæ exsuperant, subtractio;
 „eorum vero, quæ deficiunt, additio. Qui ve-
 „ro istud optime facit, is optimus medicus
 „æstimandus est, quique plurimum abest, ab
 „eo præstanto, is plurimum in arte medica
 „deficere censetur.” a) Nec non multum con-
 tribuit ad resutandam pristinam theoriam,
 omnia ex humorib[us] derivantem, humanum-
 que corpus vitali principio donatum, ut ma-
 chinam hydraulicam, sistentem, sed ut cele-
 berrimus Frankius ipse monet; „adhucdum
 „non sat elaborata est hæc theoria, neque
 „experientia confirmata, ut poslit sine maxi-
 „ma cautela ad praxim applicari, & Wei-
 „kardius cœo impetu dogmata Brunonis se-
 „quens, plus damni quam emolumenti, huic
 „doctrinæ attulit. Jam Swietenius monet:
 „nil magis damnosum fuisse arti medicæ, quam
 „generalia illa morborum nomina, quæ mi-
 „nas attentos in pessimos errores quandoque
 „deduxerunt b).”

H L

a) Hippocrates de flatibus, sect. III. Edition. Fæsi,
 b) Switenii Comentari. Tom. II. aphor. 634.

HISTORIA III.

Febris catharralis nervosa.

Puella 17 annorum, antea sana, decehi ante dies febrili insultu cum dedolatione artuum correpta fuit, accessit capitis dolor & tussicula, appetitus jam ab initio fuit deletus; sic per novem dies, hæc symptomata inordinate redierunt. Primo Januarii, morbi die decimo, clinicum petiit exhibens pulsus naturali celeriorem, tensum, plenum, caloremque auctum, cephalalgiam atque laßitudinem sumam. Sitis fuit magna cum linguae siccitate, appetitus deletus sine nausea tamen, respiratio bona, facilis, decubitus in utrumque latus possibilis; tussis hinc inde: alvus clausa. Ob anni tempus prægressumque catharrum, catharralem hanc febrim nominavit illustris. Frankius veniente tundere jussit ad libram unam — lene quoque eccoproticum ex manu. unc. duabus tremor tartar. unc. una in aquæ fervid. libr. una solut. ut capiat omni biero vasculum, præscripsit.

IIMO morbi die. Aucta cephalalgia, turbidi oculi, lingua sicca, faucium dolor, tussis, sitis, tendivum subsultus, pulsus plenus, celer, cutis non mollis, urinæ tintæ, alvum quater deposuit. Omissio purgante, spirit. min-

mindereri unc. duz in aquæ flor. fambuc. unc. sex cum oxymel. unc. una porrectum fuit, ut omni bihorio duo capiat cochlearia. Decoēt. salep. pro potu. Clyster emolliens. Versus vesperam apparent maculæ cœruleæ, evanuit faucium dolor. Continuandum in spiritu mindereri. Clyster emolliens.

I2mo morbi die. Somnus deliriis interruptus, rubet facies, conqueritur de summa lassitudine, ludunt tendines, calet multum: aucta est cephalalgia, vires prostratæ jacent, mollescit pulsus atque auris dextræ susurrus adeſt. Respiratio tamen libera, alvus semel mota. Propter defectum virium vitalium, ordinatum fuit: decoēt. cort. peruv. unc. undecim, sachar. albi drach. duas, omni bihorio capiat vascul. medium. Fomenta emollientia ad aurem — & ad abdomen, quia tensum reperiatur, quod auctum fuit in vespertina exacerbatione, evanuit autem auris dextræ susurrus. Medicamenta eadem.

I3mo morbi die. Lene iterum per noctem delirium. Pulsus magis evoluti, tussis parca, cæterum ut heri. Vesperti autem manifesta exacerbatio, tussis valde aucta, caput lœdens, adeſt pectoris oppressio, pulsuum summa celeritas, atque inconstantia, dolet abdomen, urinæ parcæ, stupor urget. Omissum decoēt,
cort.

cort. & emulsio cum guinni. arabic. præscripta fuit.

14to morbi die. Delirium de nocte, auditus gravis, pulmones obruti, pectus oppressum sub inspiratione tussis; cum sputis, sanguine non pauco, mixtis, vacillant arteriarum ictus. Præscriptum fuit. Rx. Polygal. senek. drach. tres cibq. leniter in decoct. cort. unc. novem, adde sachar. drach. duas. Omni bihorio vascul. medium. — Vesperi admidum male se habuit ægra, vomuit per diem: sepositum fuit medicamentum, & emulsionem accepit; — Alvus semel soluta.

15to morbi die. Convulsiones hinc inde. Pulsus celeres, subduri atque suppressi; urinæ rubræ, perstant cætera hæsterna symptomata, ordinatum fuit decoct. cort. unc. novem camphor. mucilag. subactæ grana quindecim. Omni bihorio vascul. medium. Vesificantia ad suras. — Vesperi pulsus exiles, inconstantes, stupor, oculi moesti, rubedo faciei, calor, delirium placidum, artuum gravitas — medicamenta eadem.

16to morbi die: Tam cephalæ quam pectoris angustiæ increscunt, suspiriosa est respiratio, minus tamen molesta in situ erecto, concidunt vires vitales, alvus bis mota. In-

sistendum in stimulante medicina. — Vesperi remissio nulla, hinc constanter medicamentorum ordinatorum usus, quamquam bis vomitu hæc ejecerit.

I⁷mo morbi die. Deliria nocturna, masticatio continua, corporis jaæstatio, urina parca, adspectus lugubris, cutis sicca, perstat pectoris angustia, pulsus non adeo frequentes, sed duritiem aliquam exhibent. — Moschi grana sex in aquæ flor. sambuc. & spirit. minderer. aa. unc. tribus. Omni bithorio exhibebantur inde cochlearia duo. — Vesicans ad pectus — clyster emolliens — Vesperi pulsus vix non naturalis, respiratio antem suspiriosa admodum, nec non corporis jaæstatio; accedit symptomata adeo a divino seni in pectoris morbis damnatum, ægra vult erecte sedere — singultus adest atque tremor pedis dextri. Bis alvus mota. Insistendum in remedio matutino tempore ordinato.

I⁸vo morbi die. Delirium inite, ructus frequentes. Pallecit facies, auditus gravis, oculi mœsti, masticatio & trismus, sputa panca difficile prodeuntia, respiratio levior in situ erecto, cephalea urget, summa pulsuum inconstantia; iterum ad decoct. cort. confugimus cum insus. serpent. radic. drach. duabus & syrup. unc. una — clysma emolliens.—

Vesperi convulsiones malis accesserunt; sed respiratio in melius mutata, profunde atque optime sine tussi inspirare potest aegra; pulsuum adest æqualitas — ter alvum deposit. Continuandum in medicamentis.

19no morbi die. Nox inquieta, convulsiones sævierunt, evomuit medicinam, alvum pultaceam ter deposit. Sed matutina hora omnia in melius, respiratio felix, calor naturalis, transpiratio levis, pulsus durities autem & cephalalgia non cessant. Abstinuit illustr. Frankius a cortice nec vinum porrigere ausus est, ne nimis irritetur ægra. Moschi grana tria cum sachar. scrup. uno omni bihor. porrecta fuerunt. — Vesperi convulsiones quoque remiserunt. Continuatur in moscho. — Clyster emoll.

20mo morbi die. Placidus somnus fessos habebat artus: adspectus hilaris, oculi læti, cephalea imminuitur, cutis tractabilis, urina cum sedimento levi. Alvis bis mota. Medicina nulla. — Vesperi madet cutis, & omnia bona.

21mo morbi die. Nil conqueritur nisi de summa corporis debilitate. Diæta auæta & medicina nulla.

Sic magis atque magis ad se rediit & 20mo Januarii 31mo morbi die ex integro restitu ta nosocomium deseruit.

Nondum hoc tempore, eximius Vir, doctrinam de inflammationibus cum febre nervosa incidentibus, inethodumque stimulantem postulantibus, exposuit, & magnis admirandisque exemplis confirmavit; ita ut nos, pristinæ scolæ penitus dediti, ubique sere veras inflammations videntes, & ubi defuerunt, de occultis somniantes, de quo nuper pulcherrime actum suit a), quasi stupefacti stetimus, cum illustr. Frankius huic puellæ, difficulter respiranti, de pectoris oppressione summa conquerenti, cum tussi vehementi sub profunda inspiratione au&ta, & sputis cruentis, corticem, radicem polygal., aliaque stimulantia præscripserit; sed felix eventus apud plures, veritatem hujus methodi docuit, merito inter incrementa numeranda, quæ ars nostra, novis temporibus cepit; quamquam de his jam multum Huxhamus egerit, & Stollius ipse in pectoris inflammationibus cum vero virium vitalium defectu, cardiaca commendaverit b).

B 2

Hoc

a) Journal der Erfindungen n. 4tes Heft. IV. Stück.

b) Stollii aphoris, de peripneum. vera, aphoris.

Hoc solum monendum erit , quod illustr.
 Frankius in initio hujus morbi , sine causa
 sat manifesta venam tuderit , & in primis die-
 bus dubius quasi hæserit , an hæc febris ad
 stheniam , vel astheniam attineat ; sed quam
 difficile sit , rectam morbi indolem , ingruente
 nova epidemia statim nosse , magnus jam Sy-
 denhamus docuit , qui de epidemicis morbis
 agens annexit „ novo gliscente malo , ancep-
 „ rursum hæreo , qua mihi via insistendum ,
 „ ut ægris subveniam , ac proinde nisi ingen-
 „ ti adhibita cautela , intentisque omnibus
 „ animi nervis , vix ac ne vix quidem possim
 „ efficere , ne unus aut alter eorum , qui se
 „ primi meæ curæ commiserint , vita pericliten-
 „ tur , donec investigatio jugiter , tandemque
 „ perspecto morbi genio , ad eundem perdo-
 „ mandum recto pede & intrepidus denuo
 „ procedam a).”

HISTORIA IV.

Tenia expulsa.

Puella octodecim annorum , laxa compa-
 ge , vitam fidentariam degens , tenia laborat .
 Vedit enim jam anno elapso , tempore quo
 pri-

a) Sydenham de morbis epidemicis. Caput II.

primum menstruata fuit, frustula hujus hospitis, quæ simul cum alvo excrevit & conservavit. Postea interdum cordis palpitatione, lypothymiis & cardialgiis cum crebro in oris cavum salivæ affluxu, vexata fuit: cætera symptomata teniæ solita, ægra satis in se attenta, nunquam observavit. Cum hæ palpitationes cordis simul cum lypothymiis & hinc inde articulorum teniæ excretiones perdurent, & copia salis mirabil. Glaub., quam foris ingesserat, nullum attulerit levamen, 15to Januarii in nostra scola auxilium petiit. Accepit pulver. radic. filicis drach. tres, dividantur in tres partes æquales, bis de die unum.

16to Januarii vestigia teniæ nulla. Continuum fuit in filicis usu, & insuper mane ac vesperi cochlear. olei ricin. americanani exhibebatur. — Vespertino tempore nondum adhuc sumto oleo, frustula teniæ egescit, ubi manifeste videndum erat, teniam esse solim Linnæi.

17mo Jan. Idem factum est, cum iam oleum sumferit. Continuandum.

18vo Jan. Tenia nondum excreta, insistendum in ricini olei usu, sed omittendi pul-

ve-

veres ob faucium dolores, difficultatemque deglutitionis. — .

19no Jan. Hesterna symptomata, sed ventris cruciatus recruduere. Omni trihorio cochlear olei ricini.

20mo Jan. Pertinax hæret tenia, faucium dolores, & ventris ægram vexant; sepositum fuit oleum, in quo forsitan origo colicorum dolorum est quærenda, & præscriptum fuit

Rx. Stanni granulati puriss. anglic. unc. una, fiat cum suffic. quantit. melis electuarium, detur ter de die cochlear.

21mo Jan. Dolor faucium molestus; sed nec rubent nec tument fauces, nec muco albo obteguntur. Tenia nulla; medicina eadem,

22do Jan. Articuli teniæ excreti fuerunt; silent faucium difficultates, quia stannum granulatum non sat bene præparatum fuit, limaturam stanni in electuario adhibuimus. — Vesperi sensum reptionis, quasi egredi vellet tenia, ægra habuit. Continuandum in ele-
ctuario.

23to Jan. Dolor dentium, atque alvum bis cum torminibus depositum, Tenia nulla. Electuarium continuandum,

24to

24to Jan. Ægra sub alvo bene elaborata & figurata, teniam quatuor & dimidium ulnarum viennensium excrevit; est tenia solium Linnæi, pars maxima colli filiformis adest, deest autem caput. Ægra inscia hanc deposita. Bene se habet. Sumat quod reliquum est.

25to Jan. Sine medicina. 26to Jan. Cum aliquibus dosibus limaturæ martis ad grana quinque, cum sachar. scrup. uno, propter chloroticum habitum. — Sana ad suos demissæ fuit.

Nil illustr. Frankius, a stanno, largiori licet porrecto manu, timet, si purum est; annexit celebris Vir, se experientia edoctum suisle, optimum remedium contra teniam solium Linnæi sistere stannum; referam adhuc aliquos casus, ubi eximios edidit effectus; vidimus collum vermis, instar fili, cum lato corpore simul excerni, sed quod fatendum, nunquam adhuc caput ab hoc remedio expulsum deteximus. Puella, cuius historiam nunc memoravi, ad finem mensis Julii ad nosocomium rediit, conquerens se tenia iterum astigli, & re vera frustula prodierunt cum alvo; dato stanno expulsa fuit iterum pars magna hujus vermis, siluerunt symptomata urgentia, ita ut sana reviserit parentes.

COROLLARIUM I.

Variolæ discretæ.

Juvenis octodecim annorum, cursum hu-jus exanthematis, sine medicina fere, felicissime absolvit. Coopertus fuit undique variolis multis, præcipue facies (ad quam sum-mam ac fere unicum attentionem in variolis adhibendam esse, magnus variolarum pictor, Sydenhamus monet a) copia illarum intmuvit; salivatio nulla subsecuta est; unicum molestum symptomæ, fuit gingivarum tumor, inchoante suppuratione. Intumescentiam pedum, quia æger extra lectum versatus est, quies sola dispulit. Tempore eruptionis qui-dem dolor in pedum plantis obortus est, quia ob cutis duritiem ibidem, pustulæ erumpere non potuerant; sed mox siluit, cum catoplasmatisbus emollientibus locus eruptioni con-cessus fuerit. Nec non cultro aperienda nobis fuisset cutis indurata, ni emollientia votis respondissent. —

CO-

a) Sydenham Opera medica. Tom. I. sectio III.
Caput II. de variolis.

COROLLARIUM II.

Scorbutus.

Vir ultra quadraginta annos natus , duris laboribus miseram sustinens vitam, jam a longo tempore labe pulmonum laborat, prodeunt sputa suspecta , puriformia, in latere sinistro decumbere nequit, nec profunde inspirare potest. Ab aliquot mensibus intumuerunt gingivæ , sanguinemque levissimo attachu fuderunt ; accessit facies cachetica , tumidula , & debilitas totius corporis , ita , ut laborum non capax lecto affixus hæserit ; sic ad nosocomium delatus fuit. Cum æger omnia symptomata ingruentis scorbuti exhibuerit , illustr. Frankius mox decoct. cort. & diætam lautiorem multa cum carne ordinavit , nec non & vinum porrexit ; contra gingivas, usus est mellitis cum acido salis marini. Sub hac methodo , spatio quatuordecim dierum . non solum omnia symptomata scorbuti evanuerunt , sed etiam phtiseos minæ siluerunt adeo , ut fere nulla sputa suspecta in conspectum venerint , & spiritus imo ductus sine ullo prodierit impedimento. Sic fanns suos revisit. —

COROLLARIUM III.

Dysenteria.

Vir aeri frigido, calente corpore, se se exposuit. Paulo post correptus fuit ventris dolore, crebra alvi dejectione multo cum tenebro, nec non vomituritiones & vomitus accesserunt. Cum altero die nosocomium petierit, levem exhibuit dysenteriae speciem, nam desunt & inflammatoria & gastrica signa, pulsus vix febriles nominandi & vires vitales vigent. Præscripsit illustr. Frankius decoct. cort. cum laudan. liquid. Sydenhami gutt. decem. Siluit quidem dysenteria, sed æger flatibus multis præcipue in heatis regione vexatus fuit. Omisit illust. vir corticem & enema emolliens ordinavit. Altero die recruduit alvi fluxus, sed fere absque dolore; iterum decoct. cort. cum laudano dedit, sic sensim sensimque spatio aliquorum dierum dysenteria fugata fuit, & sanus nosocomium deseruit.

Sydenhamus & Stollius a), & experientia docnere, tales dysenterias simplicissima methodo, potu multo tepido, perfanari; quod ipse-

a) Ratio medendi. Pars III. De natura & iude-
le dysenteriae. Caput VII.

ipsem toties olim in nosocomio vidi. — Quare ergo illustr. Frankius ad decoct. cort. cum laudan. confugit, quod certe causam horum præbuit dolorum & primo die omittendum fuit? — Credo equidem, citius, jucundiusque hunc morbum, simplicissima methodo Stollii, profligatum fuisse. —

HISTORIA V.

Febris nervosa.

Puer undecimi annorum, infantiles morbos bene perpeccus, matri graviter ex febre nervosa (putrida auctorum) decumbenti assistens, 3^{to} Februarii (ubi jam magnus nervosarum febrium proventus, in nosocomio undique fuit) sine prægressis prodromis correptus magna artuum dedolatione cum vehe-menti cephalaea, calore & siti intensa, lecto affixus hæsit. Infecuta est tussis sicca, & hæc symptomata per quinque dies absque manifesta remissione continuarunt; accesserunt sexto morbi die aurium susurrus, atque petechiae multæ. Usus est domi lenibus purgantibus; sed cum in pejus rueret, 7^{mo} morbi die, ad nosocomium delatus, exhibuit caput temulentum, aurium susurrum, adspectum morosum, linguam sicciam, abdomen tensum, pulsus frequentem, debilem, cutem imper-
spi-

spirabilem, calorem urentem, diarrhæam levem. Præscriptum fuit

R. Decoct. cort. peruv. unc. novem.
laudan. liquid. gutt. quindecim.
fyrup. cort. aurant. unc. unam; omni bihoro duo cohlear.

Diæta tenuis, aqua pro potu.

8vo morbi die. Somnus nullus, delirium, inquietudo. Æger *bene se habere dicit*, anxie spiritum ducit, facies est livida & cœrulea, lingua lignea, ludunt tendines, aret cutis sudore obducta viscido, pulsus admodum celeres atque debiles, somnolentia magna. Omissum fuit opium ex decocto corticis: clyisma emolliens & duo vesicantia ut rubefacientia ad furas. Nec non & balneum tepidum ordinatum fuit. — Vesperi, facies parum in melius mutata, somnolentia nulla, lingua humida, respiratio felicior, non adeo tensum est abdomen, & cutis tractabilior: sed mente adhuc captus æger, pulsus celeres, atque debiles, tendines ludunt, sudorque viscidus cutem obtegit. Insistendum in medicina mane præscripta, nec non & balneum repetendum.

9no morbi die. Nox quieta; conque ritur de capitis dolore, si movetur, rubent ge-

genę, oculi lacrymantes, lingua humida, cutis mollior, alvus liquida ter mota, abdomen minus tensum, pulsus inconstantes. Insistendum in decocto cort. omni bihorio vasculum, & cum puer dicat, se post balneum semper melius habere, iterum ordinatum fuit. — Vesperi paulisper in melius vergit, hinc continuanda medicina.

Iomo morbi die. Somnus placidus per totam fere noctem, omnia in melius ruunt, tussim si excipias, quæ vexat ægrotantem, vires vitales autem incrementum ceperunt. Continuandum in hesternis medicamentis, balneum omittendum. — Vesperi levis exacerbatio, sed tussis sicca torquet puerum. Remedia eadem.

IImo morbi die. Somnus deliriis interruptus; nunc cutis calor fere naturalis, pulsus magis elevati, sat pleni, symptomata cætera fere evanuerunt; sed tussis sicca admodum urget. Præscriptum fuit infus. sambuc. unc. quinque, aceti amoniacalis unc. una, syrup. alth. unc. dimid. Omni bihorio cochlearia duo. Contra tussim linetum ex syrup. alth. unc. una & mucilag. gummi arabic. unc. dimid. Appetit æger, ideo duo ova eoncessa fuerunt.

runt. — Vesperi. Exacerbatio manifesta, iudunt tendines, calet cutis, pulsus frequentes, inconstantes, & tussis summopere urget. Medicamenta eadem.

12mo morbi die. Tussis omnem ex oculis arripuit somnum, pulsus frequentes, pleni, disparere petechiae, sed miliaria alba, copia magna; in abdomen apparent (quæ in sorore eodem morbo decumbente, eodem in loco, in abdomen scilicet, observabantur). Continuata sunt remedia hesterna. — Vesperi tussis urget, ceterum omnia in melius versantur. Contra hanc, opii granum unum cum syrup. alth. drach. duabus, aquæ unc. una porrectum fuit, ut inde partem tertiam sumat.

13to morbi die. Somnus placidus fere per totam noctem, rara tussis, pulsus frequentes quidem, sed elevati & æquales, miliaria totum abdomen obtegunt. Respiratio felix. Haustus salinus repetendus. — Vesperi exacerbatio levis, tussis autem aucta. Eadem opii dosis. Pro potu decoct. salep. cum infus. liquirit.

14to morbi die. Quieta nox, tussis rarior, sudor per universum corpus, hodie omnia in melius pergunt, miliaria efflorescent.

Re-

Remedia eadem. Diæta quarta. — Vesperi exacerbatio, cum multa tussi; iterum opii dosis.

15to die morbi. Somnus bonus, sudor profusus, vigent vires, febris vestigia disparuere, miliaria perstant. Remedia nulla: decoct. salep pro potu. Diæta tertia. — Ad vesperam nulla exacerbatio, tussis hinc inde. Nulla medicina.

16to morbi die. Disparent milliaria, æger bene se habet, præter levem tussim nil accusat. Nulla medicamenta. Diæta hesterna.

17mo morbi die. Jam extrilectum per aliquas horas versatur æger. Ic convalecentia per 18vum & 19num morbi diem pergebat. 20mo morbi die sanus ad suos rediit. —

Dubio procul hunc puerum contagio affectum fuisse, nam & mater & soror hoc tempore hac decumbebant febri.

Vidimus eximum balneorum tepidorum usum tum in hoc ægrotante, quam in multis aliis, qui diro hoc laborabant morbo, fere nullam febrem nervosam alicujus momenti sine his tractavimus, & juveni medicinæ studio-
fo,

fo, gravissime, febri ner vosa multis cum deliriis & petechiis profusis, decumbenti, adeo pro fuerunt balnea, ut semper post horum usum, pulsus elevationes, viresque magis erectas exhibuerit, brevique vicit periculosem hunc morbum.

Quamquam sagacissimus vir firmam non adhucdum stabiliverit normam, quando in febribus nervosis balnea tepida adhibenda sint, at tamen vidimus, ad hæc tunc consugisse, si cutim aridam, carnemque tensam deprehendit. —

HISTORIA VI.

Febris nervosa.

Juvenis medicinæ studiosus, fibræ fortioris, bene nutritus, plethoricus, fere sanus per omnem vitam, sæpe hac hieme tussi laboravit sicca, nec non per sat longum tempus ophthalmia vexatus fuit. Mensibus elapsis intense incubuit studiis.

25to Februarii (ubi undique viguit epidemia nervosa) frigore correptus fuit, in sequente mox calore, cum valida cephalalgia, siti intensa, tussique sicca; pulmo sinister obtuse doluit, & profunda inspiratio sine dolore

lore & tussi perfici non potuit. Accessit lassitudo summa, rubuit urina, sudor nocturno tempore profluxit; ad quem ciendum potu theato usus est. Sic fuit prima morbi dies.

Secunda morbi die. Remissio manifesta; iratutinis horis exivit; ad vesperam autem hesternus insultus rediit aucto cum vigore.

Tertia morbi die. Remissio quædam mane; sed urget cephalalgia, palpebræ sunt graves, tensæ; ardent oculi, respiratio difficilis; dolor per thoracem extensus spiritum paulisper præcludens; febris multa, tussis aucta, urina parca, alvus mucosa quater a sumto purgante deposita, æger lecto affixus. Per noctem sudores profusi.

Quarta morbi die. Atrox capitis dolor, pulsans, regionem supraorbitalem quasi disfringens, ardent oculi, jaëtatio corporis magna, respiratio difficilior, pulmones admodum sensibiles ab aere inspirato male afficiuntur, decubitus ad latera tussim movet; pulsus plenus & durus. — Juvenis metuens peripneumoniam & inde secuturam phtysin, suæ familiæ solitam, venam sibi tundi jussit. Remiserunt oninia symptomata, præcipue cephalæ; nocte sudores largiores.

Quinta morbi die. Remissio quædam mane, sitis urget: sumvit potum cum succo limoniorum. Hac die jam dysuria cum ardore & tenesmo. Octies alvum depositum. Sudor rediit nocturnis temporibus.

Sexta morbi die. Recruduerunt symptoma, post aliqualem remissionem matutinam; ad alvum coercendam mixturam ex aqua menthæ cum Laudano liquido sumvit. Levamen ad vesperas, & placidior somnus inservit. Sed hinc inde jam maculæ petechiales in conspectum veniebant.

Septimo morbi die. Cum nullam mitigationem symptomatum senserit æger, in scholam practicam deportari curavit; ubi præter jam supra enarrata exhibuit dysuriæ multo cum tenesmo ardore — ægro jubente, catheder imminissum & eduxit urinam parcam rubentem — Pulsus inconstantes, vires dejectæ; inquietudo magna. Præscriptum fuit ad vires erigendas Rx. polygal. senek. unc. diimid. coq. in libr. una aquæ omni bihorio vascul. — decoct. hordei pro potu. Clyisma emolliens. Nox inservita insomnis, urinam sponte misit, bis evomuit medicamentum, alvus ter mota fuit.

Octavo morbi die. Dolet caput summopere, rubent oculi faciesque, sitis ingens, non

non nauseat cibos, urina crassa, *otra*, non tingens, respiratio difficilis, anhelosa, suspirat frequenter. Sed abdomen est molle, pulsus constantes, ad plenos magis accedentes; symptoma autem, quod admodum displaceat, est anxietas magna, ita ut æger quasi impatiens medicorum interrogationum, ab uno in alterum sese devolvat latus, nec per momentum quiete decumbere potest. Continuatur hesterna medicina addito tamen infus. liquirit. ad gratum saporem. Velicans ut rubefaciens ad nucham.

Ad vesperas exacerbatio, vomuit medicamentum, calor auctus; pulsus frequentes, inconstantes, interdum, duri, vibrantesque; anxia respiratio, jaæstatio continua; dedelatio summa; sitis tamen minor; urina crassa profunde tincta cum sedimento crasso, atro. —

Dubius hæsit illusfr. Frankius, quid moniliendum, debilitas summa usum excitantium postulat, sed obstat nimia ægrotantis irritabilitas — interim nil quam emulsionem proposuit,

Hora undécima, placide dormivit; expergesfactus medicinam sumvit — hora tertia matutina de æstu conquestus, levius tegi iussit — versus quartam derepente bis exclam

mat, linguam exerit, oculos detorquet, sud res viscidi de fronte manant, brevi exsirpat convulsus.

Cadaver forte ad scolam anatomiam delatum exhibuit: inflammationem superficialem (erysipellaceam) pulmonum, eandemque intestinorum, quæ jam in Gangrenam abiverant: nec non phlogosin superficialem late rubentem interioris tunicæ totius systematis arteriosi & venosi. Cor inflatum & cordis valvulas maculis gangrenosis obteatas; renes inflammatos, duros cum materie puniformi ex conulis facile exprimenda; vascula piæ matris magis injecta, urinalem autem vesicam sanam. —

Vidimus in hoc ægrotante confirmatum, divini Senis in coac. Prænotat. effatum: "Pestifera autem est inter urinas (in acutis) quæ, & hypostasin habet nigram, & ipsa quoque est nigra."

Jodocus Lommius in medicinal. observat. libr. III. sic dicit: "Urina nigra, si rubram sequitur, extremi caloris index est; in mortuis periuculam vertitur, idque eo maius, quo ea ipsa est paucior, quoque id, quod in ea subsidet, nigrius est."

Idem quoque de urina nigra dicunt & Prosper Alpinus, & multi alii.

HISTORIA VII.

Morbilli.

Fœmina cælebs 46 annorum nec morbillos nec variolas in juventute perpeſla; infantibus morbillis affectis inserviens, secundo Februarii correpta fuit horrore, calore & tufſi ſicca inani; ad clinicum delata, exhibuit: faciem moestam, rubram, oculos lacrymantem, cephalēam, anxietatem; respirationem difficultem; tufſim vehementem, ſputa tenacia; pulsus febriles irregulares. — Linguam puram, appetitum nullum; ſitum intensam, urinarum emissionem dolentem (qua jam antea laboravit) corporisque jaſtationem. Præscriptum fuit: Rx, infus. ſambuc. unc. ſex. ſpirit. miniderer. unc. duas cum dimid. ſyrup. alth. unc. dimid. decoct. ſalep. pro potu.

Secunda morbi die. Jam exanthema undique apparet; tufſis gravis, clangofa, dolens, respiratio paulisper liberior, pulsas celeres non duri, dedolatio perstat, ſputa puriformia. Continuandum in medicina.

3^{to} morbi die tussis gravior, dolet caput, susurrus aurium adest; difficultas respirandi evanuit, pulsus elevati vix non naturales, insistendum in aceti ammoniacalis usu & in decoct. salep.

4^{to} morbi die. Sudor nocte diffusus per totum corpus, summa cum euphoria; dolet autem caput atque tussis urget. Medicamenta eadem. Jam pallescit exantheina.

Quinto morbi die. Disparent morbilli & omnia in melius. Medicina omni trihorio.

Sexto autem die, ægra de novo dedolationem artuum accusat, & re vera pulsus sunt debiliores, timuit illustr. Professor transitum in febrim nosocomialem, hinc decoct. cort. præscripsit; cum autem tussis admodum urgeat somnumque adimat, pulveris. Doveri grana quinque in infus. sambuc. unc. decem præscript. fuerunt.

Continuato horum usu per aliquot dies, fœmina pristinam recuperavit sanitatem.

Jure insurgit illustr. noster Professor contra hos medicos, qui acetum ammoniacale, decepti ridiculo nomine spiritus Mindereri, adeo timent, ut non ultra drachmam unam vel unam

unam cum dimidia in libra una alicujus misturæ præscribant: „Quid, celeberr. vir dixit „toties, quid precor a tam parva dosi hujus salis neutri sperare possumus?” porrexit vir eximius, omni die uncias sex, & egomet ipse, tentandi causa unc. tres uno haustu cum tinctur. rhei aquosæ unc. una absque ullo damno sumsi; & hac hyeme, puerō sex annorum admodum sensibili, morbillis cum typho leviori laboranti omni die unciam dimidiā aceti ammoniacalis in mixtura præscripsi, felicissimo cum eventu. Atamen celebris aliquis medicus in consilio hoc anno palam meam culpavit audaciam, quod mulieri morbillis affectæ cum febri nervosa unc. duas spirit. minderer. in libr. una. decoct. alth. præscripsit, moxque seponi jussit, & solummodo unc. dimid. in unc. quindecim decoct. alth. propofuit.

Re vera nostra sic diēta materia medica, adhucdum infirmis uititur fundamentis, multisque nugis scatet, & hic est, ubi doctrina Brunonis, temporis decursu multum præstare posset. —

COROLLARIUM IV.

Hepatitis.

Vir duris obnoxius laboribus miserrimam degens vitam, habitu cacheetico a tribus jam annis tussi molesta chronica cruciatus. Inter labores nunc frigus obvenit, infecutus est calor sudorque simul cum dolore in latere dextro, qui denique sedem in hepate fixit, ibidemque sœvit, spiritumque præcludit, decubitum in hoc latere non patitur. Nosocomium petiit cum omnibus signis hepatis affecti, attactum a longinquo fugit, tumet venter, pulsus duri, tensi, non magni; os amarum; spiritus admodum fœtens, appetitus nullus. Secta fuit vena; sanguis corio obductus; porrecta fuere lenia eccoprotica ex manu. cum sale amaro, ad latus affectum linimentum volatile. Dolor autem punctorius nondum cessavit, iterum iterumque sanguis missus & in leniter purgantium usu continuatum fuit; sic post quatuor phlebotomias & alvum quotidie quinquies eductam, siluit hepatitis. Recrudit autem sponte, iterum sanguis mittendus, atque evacuantia administra stranda fuere; mo' iterum redeunte, fracta phlogosi, vesicans ut rubefaciens ad regionem hepatis applicatur fuit, nec non leniter diaphoretica ex spirit: minderer: & infus: flor: sambuc: adhibita fuerant; sic ager

æger sanitatem iterum recuperavit , & tussis illa chronica fere ex integro siluit. Post 32dam diem sanus ad suos rediit. Evacuantia hic sumnum levamen attulerunt.

C O R O L L A R I U M V.

Peripneumonia.

Vir dira correptus pulmonum inflammatione mense Januarii clinicum petuit ; post novem venæ sectiones signa futuræ criseos exhibuit , nam sudor profusus undique erupit , sed ob pulsuum duritiem respirationemque difficilem illustr : Frank iterum venam tundere jussit — febris mitior & arteriarum ictus nunc potius ad molles accedunt , tinnuit egregius vir , ne in febrim nervosam transeat , ideo infus : polygal : præscripserit , diætamque quartam concesserit — forsitan & æger clandestine aliquid devoravit — recruduit peripneumonia violenta atque periculosa , sanguis quinques adhuc educendus erat , antequam symptomata hujus inflammatiōnis remiserint , Convalescentia insecuta est sat suspecta , sic nosocomium deferruit. Post quatuordecim dies rediit æger , de sudoribus nocturnis debilitateque magna conquerens ; faciem exhibuit cachecticam , adfuerunt & pedum œdema & sebicularia vespertina simul cum tussi multa & sputis su-

spec-

spectis. Mox suspicio nata est , pulmones suppurratos esse , & quamquam pulsus sat elevati atque subduri , attamen hydrops nascens atque debilitas , roborantium usum poposcerunt. Hinc decoct. cort. præscriptum , & ad tußim , somnum adimentem ægrumque vexantem , mitigandam ; granum dimidium opii omni vesperi porrectum fuit. Cum jam æger ante duos annos peripneumonia laboraverit valida , & modo phtiseos symptomata instent , prognosis infanta instituta fuit. Sed enī sub methodo roborante redierunt vires , sputa fuerunt imminuta. — Prodiit urina malta , concidit œdema ; & post tres hebdomadas , perfecta sanitate gaudens , suos revisit.

Hæc pulmonum debilitas , simul cum ingruente febricula vespertina & tussi siccæ , omnino phtisim mentita est ; corroborantium autem usus brevi debilitatem atque phtiseos sustulit minas ; ex hoc fonte derivandas esse censeo , medicorum assertiones , qui phtisim curasse gestant ; cum veræ phtiseos cura extra limites nostræ artis posita sit. Fatetur quoque illustr. Frankius : se omnes methodos tentasse , nec ab ulla levamen vidisse. Phtisis autem spuria hinc inde curatur , & hæc est illa phtiseos species , de que Sydenhamus contendit , omnibus remediis palmam eripere equitationem , additque , haud multo

cer-

certius, cortex peruvianus febri intermitteri medetur, quam equitatio phtisi. 8) Hæc est illa phtisis, ubi forsitan cura a Salvatori proposita conduxit; si unquam talis furiosa methodus prodesse possit. — ;

Dumas & Petit — darson, qui tractatum Reidii de phtisi pulmonali in gallicum verterunt serinoneum, & per pulchris auxerunt animadversionibus, memorant hanc phtiseos speciem, quæ a flacciditate pulmonum & debilitate totius corporis originem dicit & bene annotant: „La distinction exacte des différentes espèces de phtisie, est assûrement la plus sûre, la plus féconde & la plus négligée des sources précieuses, dans les quelles le médecin doit puiser la connoissance des véritables indications curatives. Sans selle l'art flotte incertain entre les méthodes diverses, que l'on propose dans les livres &c.

C O R O L L A R I U M VI.

Colica Pictonum.

Juvenis in officinis laborans, ubi plumbum tractant, colicis doloribus correptus no-

8) Sydenhami opera medica pars I. processus integræ in morbis omnibus curandis.

focomium petuit: atroces sunt ventris ærumnae, pulsus admodum duri tanguntur (quemadmodum in omnibus colicis saturninis esse solent) cæteroquin non multum a statu sano absimiles; porrexit illustr. Frankius, in hoc morbo Stollio penitus assentiens, mixturam cum opio, & post aliquos dies jam evanuit malum, remanens brachiorum paroxysmum, feliciter atque cito, linimento volatili in brachia, præcipue autem in dorsi spinam (ubi origo est nervorum ad extremitates decurrentium) inuncto, fugata fuit.

HISTORIA VIII.

Febris nervosa cum topica pectoris affectione.

Ancilla, catharro affecta, domi purgantibus nec non & duabus venæ sectionibus tractata, sexto morbi die in clinicum delata exhibuit: faciem pallidam, oculos lacrymantem, linguam muco albo obductam, appetitum nullum; respirationem difficilem cum dolore punctorio in sinistro latere, ita, ut ibidem ægra decumbere nequiverit; tussim inanem, siccām; abdomen molle. Pulsus erant vibrantes atque duri. Diarrhœa a summis purgantibus perduravit. Facta diagnosi: esse febrim nervosam cum topica pulmonum affectum.

fectione exhibitum fuit decoct: ex polygal: senek. drach: tribus ad libr. unam aquæ cum laudan. liquid. Sydenh. gnt. quindecim, ut nimius alvi fluxus cœrceatur — Vesperi eadem medicamenta.

7mo morbi die. Debilitas major; subsultus tendinum, vigente tamen pulsu, diarrhæa continuat. Surditas manifesta — continuatum fuit in hesternis remediis; nec non & vesperi, quamquam levis adfuerit exacerbatio.

8vo morbi die. Aphona ægra, lingua purior, febris quodammodo imminuta, vigent pulsus; sputa multa mucosa; tussis: respiratio autem melior; hac nocte petechiæ erupere; bis solummodo alvum depositum. Medicamenta eadem: vesicans ut rubefaciens ad brachium, linetum contra tussim. — Vesperi levior exacerbatio.

9no morbi die. Per noctem frigus, somnus inerruptus, dolent nunc caput faucesque; vox rauca, respiratio difficilis; pulsus duritiem non deperdit. Medicina eadem, omisso tamen Laudano, quia diarrhoea cessavit.— Vesperi exacerbatio manifesta; debilitas major. Præscriptum fuit. Rx. Decoct. cort. peruv. unc. novem aceti, ammoniacal.

unc

unc. una cum dimid. syrup. simpl. unc una sumat more solito. — Pro potn infus. sambuc.

I^omo morbi die. Quies per noctem, urget nunc cephalea; adest & aurium susurrus, & oculorum ardor, sputa multo cum sanguine mixta, pectus angitur magis; sudor profusus, vigent pulsus. Petechiae evanescunt. Medicina hesterna. — Exacerbatio vespertina.

Iⁱⁱmo morbi die. Ut heri; disparent tamen petechiae. Nil mutatum in medicina. — Vesperi anxietas atque pectoris oppressio; dolor punctorius in latere sinistro. Vesicans ut rubefaciens ad latus affectum.

Iⁱⁱⁱⁱmo morbi die. Quies per noctem, evanuit cephalea; respiratio nunc felicior; disparet punctorius lateris dolor. Vox tamen nondum rediit. Pulsus vigent. Medicamenta hesterna.

Iⁱⁱⁱtio morbi die. Omnia in melius præter vocis raucedinem. Appetit ægra Diæta quarta, atque medicina eadem.

I^{iv}to morbi die. Respiratio bona, nullibi dolor, Medicina ac diæta hesterna.

15to morbi die. Convalescit ægra , nam præter aliquam pulsum celeritatem nul morbos exhibet. Medicina omni trihorio.

16to morbi die. Omnia ut heri.

17mo morbi die. Jam redit vox ; tussis penitus evanuit. Appetitus viget. Diæta tertia. Medicina ter in die. Sic convaluit ægra & 21mo morbi die , sana nosocomium deseruit. —

Fateor me dubium anxiumque fuisse , cum illustris noster Professor ad corroborantia confugit , non habito respectu ad symptoma peripneumoniæ , pulsumque conditionem ; sed celebris vir meliori experientia , adspectuqne ægrotantis nec non Epidemia regnante ductus , audacter stimulantem adhibuit methodum ; quin ipsa sputa cruenta illum absterruerint ; & omnes mirati sumus egregium eventum , citamque convalescentiam ex tam diro morbo.

Vesicantia tam in hoc quam in omnibus febribus nervosis , solummodo ut rubefacientia applicata fuerunt ; mox autem detracta , cum rubuerit pars subjacens ; nunquam permisit illustr. vir ut vesiculæ his ciantur ; nam 1mo nullius sunt momenti , indigemus solummodo stimulo cantharidum. 2do hæc evacua-
,, tio ,

tio , quemadmodum omnes evacuationes , debilitat. 3tio in morbis mali moris , non raro in his plagis , gangræna nascitur. 4to ut in eodem loco secunda , imo & tertia vice ac sæpius , aliud vesicant adplicari possit.

Jam Stollius usum vesicantium ad suppurationem promovendam valde restrinxit ; sed solummodo detractioni epidermidis sece oposuit , permisit autem , ut vesicula trahatur. En verba hujus magni viri. „Si vesicantia adponerentur , locum vesicante tentatum nunquam permisi epidermide spoliari , sed ea relieta , & adposito siccante remedio deligatio fiebat &c. & paulo inferius.” Vim illam cantharidum , qua in totum corpus , atque etiam in pulmones agunt , unice spectans , diuturna loci suppuratione aut peculiari attentione ad locum , quo adplicantur , non egebam. 9)

HISTORIA IX.

Febris nervosa cum topica pectoris affectione.

Juvenis , famem perpessus per diem integrum , & postea avide multos devoravit ci-

9) ratio medendi , pars I, pag. 6c.

cibos ; nocte subsequente jam insultu febrili correptus fuit. Altera die ob artuum dederationem doloremque capitis lectum deserere nequivit ; sic per quinque dies domi hæsit , purgantibus multis utens ; sexto autem die ad nosocomium delatus exhibuit : omnia symptomata peripneumoniæ , tussim , sputa cruenta , difficultatem respirandi , dolorem pectoris , simul cum omnibus faburræ gastricæ symptomatibus ; os amarum , vomituriones , nauseam , linguam flavissimo obductam muco — & dolorem ad cardiam. Sed pulsus erant debiles , admodum celeres ; cutis sicca atque calor urens. Hinc illustr. Frankius ad virium jacturam respiciens debilitatemque ægrotantis , pronunciavit : esse febrim nervosam , cum topica pulmonum affectione ; et mox decoct. cort. saturatum cum rad: polygal : senek. drachm. duab. infusi , ordinavit. Enema emolliens. decoct. hord. pro potu.

7mo morbi die. Symptomata eadem ; lingua flavissima ; æger conqueritur de ventriculi oppressione. Hinc corticem omisit & nil quam infus. rad. polygal. senek. unc. dimid. proposuit. Vesicans ad locum affectum. — Exacerbatio vespertina modica.

8vo morbi die. Somnus inquietus. Respiratio admodum difficilis , pulsus debiles ,

lingua in margine quidquam purior, sed in medio flavissimo muco obtecta. Medicina eadem. Linimentum volatile ad thoracem inungendum. — Vesperi vesicans ad latus affectum.

9no morbi die. Respiratio quidquam melior; dolor autem in latere perstat; imminuenda dosis polygal. Cætera eadem.

10mo morbi die. Imminuitur pulsuum celeritas, dolor autem punctorius atque linguae spurcites perseverant. Medicina omni trihorio.

11mo morbi die. Ut hæri. Medicina non mutanda.

12mo morbi die, Lingua fit purior, omnis dolor evanescit. Appetit. Diæta ter-tia & medicina eadem.

13tio morbi die. Jam lingua pura est; viget appetitus. Ordinatio hæsterna.

14to morbi die, jam extra lectum ver-satur, jamque convalescit, ita, ut 16to morbi die sanus ad suos fuerit dimissus.

Adfuerunt signa gastrica cum summa linguae spurcicie; adfuerant signa inflamma-to-

toria, attamen methodus stimulans roborans eximios præstitit effectus.

Si paulo attentius morbum perlego, quem Stollius sub nomine pleuritidis biliosæ descripsit 10) non possum denegare, me maximam similitudinem inter hanc & nostras peripneumonias nervosas invenire.; symptomata fere eadem sunt; sed forsitan tunc magis epidemia regnabat gastrica; vel forsitan Stollius humorali sic dictæ pathologiæ omnino deditus, nimis extendit dominium faburræ gastricæ; adducit autem paragraphe 49 historiam alicujus juvenis, qui peripneumonia (biliosa secundum Stollium) affectus fuit, & hæc historia adeo est similis huic, quam modo recensui, ut plane inde mea confirmetur opinio. Coactus fuit vir summus, post administratas venæ sectiones, post emeticorum purgantiumque usum ad excitantia configere, quæ denique in vado collocarunt ægrotantein. Longa autem fuit convalescentia! An non ob perversam primis morbi temporibus adhibita methodum, nec non ob porrectum ultimis diebus emeticum? — — —

D 2

Ju-

10) ratio medendi pars I. Mensis Martius & Aprilis;

Jure insurgit egregius noster Frankius contra hos medicos, qui signis sic dictis gastricis, fallacibus adeo, decepti , ubique fere evacuantibus morbos aggrediuntur. Creberrima mihi nata fuit occasio , ad hosce homines observandos , qui religionis causa sese per dies integras, imo etiam per viginti quatuor horas , omni cibo potuque abstinuerunt , & sequentia vidi : adultos , robustos , jejunio jam assuetos (vergente ad finem die) amarorem oris , linguam muco albo vel flavo obductam , sitim magnam , foetorem oris teturum & dolorem ad cardiam (si tangantur) exhibere ; apud juniores autem & foeminas delicatores , ad symptomata modo enarrata plerumque accedere vomititiones vomitusque æruginosæ bilis ; non raro hisce jungitur nausea & aliquando lypothomia. Si urgente hoc casu ad cibos sumendos coguntur , omnia hæc symptomata spatio dimidiæ horæ plane evanescunt , & nil quam sensibilitas morbosa per aliquod tempus in ventriculi regione remanet. Quid hic dispellit symptomata gastrica ? certe non methodus evacuans , sed (ut ita dicam) methodus replens ! — Dicant quidem a jejunio succos ventriculi acriores reddi , hosque stomachum irritare atque suburralem sistere inateriem ! — concedam (quamquam & multum adhuc contra hanc opinionem monendum habeam.) Sed si aliquis has quisquilias emeticis

ticis purgantibusque expellere conetur , certe ille pessimum daret ægrotantem , & consignatum habeo casum alicujus fœminæ , quæ altero die post jejenum , adhuc de oris amarore , nausea & ructibus multis conquesta est ; medicus hisce signis motus , tartarum emeticum in refracta dosi cum graminis decoct. libr. una præscripsit ; vix ægra dimidiam partem sumvit , cum jam violenta oborta est hypercatharsis , multo mitiganda opio , & hæc fœmina antea vegeta adhucdum , anno jam exacto , debilem circumfert ventriculum . Ergo dantur saburræ , ut cum pathology humorali loquar , quæ nullo modo evacuantibus fugari possunt ; dantur saburræ , quæ ciborum virtute corriguntur , quare non etiam in aliis morbis , a causis nobis ignotis , oriri queant colluvies , ad quas subigendas , intestina , excitantium stimulo indigeant . ? — Quod hoc anno in scola practica confirmatum vidimus .

HISTORIA X.

Peripneumonia cum febri inflammatoria.

Puella 18 annorum , absque prægressis prodromis , correpta fuit horrore concutiente & sub sequente calore ; lectum petiit 2do morbi die . Dolor pungens in latere dextro , profundam prohibens inspirationem . 3tio dolor puncto-

ri-

rius perseverat, respiratio difficilis, in nullum latus decumbendi potestas; vena secta fuit. 4to die omnia eadem; vena iterum secta, & cum irreverant symptomata noctem versus, ad clinicum deportata fuit; sanguis iterum eductus & mixturam accepit ex tamarindor: pulpa cum tremor: tartar. 5to morbi ab illustr. Professore visa exhibuit, respirationem impeditam, dolorem pungentem sub mamma dextra inchoantem & ad costas spurias usque fere extendentem, decubitu in nullum latus possibilem, tussim tamen nullam, pulsus duros, vibrantes non facile comprimentos. Iterum ergo venæ sectio ad unc. decem. decoct. bord. pro potu, omisum fuit evacuans, quia ægra ab heri jam octies alvum deposita. — Vesperi symptomatum remissio nulla; phlebotomia ad unc. octo.

6to morbi die. Respiratio facilior, evanuit punctarius dolor, pulsus tamen duri, vibrantes, celeres. Lene evacuans ex pulpa prunorum, cum tremore tartari. — Vesperi recruduit dolor punctarius — sanguis iterum ad unc. octo demissus, & cum symptomata recruduerint de nocte ad unc. sex.

7mo morbi die. Respiratio non libera, pulsus duri vibrantes, tussis tamen nulla, quam

(quam per totum morbi decursum non passa est.) Repetita est venæ sectio ad unc. septem; evacuantia nulla. — Vesperi exacerbatio notabilior. Phlebotomia ad unc. sex.

8vo morbi die. Respiratio melior, decubitus in omne latus facilis, sudor multus, pulsus duri vibrantes. Decoct. hord., & nil aliud. — Vesperi uti mane.

9no. Respiratio ut heri, sputa spumosa, sudor multus, pulsus vibrant. Decoct. hord. & clysma.

10mo. Melius se habet, sat profunde inspirare potest, nulla amplius mentio de pungente dolore, urina cum sedimento lateritio. Pulsus autem duri, tensi, vibrantes. Exhibuit illustr. Frankius, haustum salinum ex spirit. minderer. unc. una cum dimid., & infus. sambuc. unc. septem, oxymel. simpl. unc. una, omni bihorio medium vascul. — Vesperi jam malum recruduit; respiratio angitur, pulsus duriores atque magis vibrantes — — — sequendus fuit salinus haustus. —

11mo. Jam pro maxima parte cessaverunt turbæ hesternæ, respiratio bona, Decoct. hord. cum oxymel.

12mo. Ut heri . sed pulsus admodum celeres. Decoct. hord.

13to. Respiratio bona , pulsuum celeritas hesterna. Appetit. Diæta quarta & decoct. hord. — 14to & 15to nil novi.

16to. Febricitat paulisper , respiratio tamen integra. Diæta imminuta , medicina nulla. 17mo ut heri.

18vo. Pulsus celeres atque debiles. Decoct. cortic. ad unc. novem.

19no. Ut heri. Repetitum fuit decoct. Sic hæsit apud nos ad 34tam usque morbi diem , quotidie usa est cortice cum diæta launtiori & vino , & dein sana nosocomium de reliquit.

Obstupui , cum illustr. vir, decimo morbi die , ubi adhucdum ignis sub dolofo arsit cinere , jam ad stimulans medicamentum , ad acetum ammoniacale confugit ; nocituruū esse hoc remedium prædixi , & turbæ vesper tinæ jam meam confirmarunt prognosin , seponendus fuit spiritus mindereri. Nam diligenter attentio (qualis esse opportet in omnes ægrotantes) me docuit , vel lenissima evanescens non bene conduxisse nostræ ægrot-

ta ,

tæ, semperque inde pejus habuisse, ut ex morbi historia clare elucet. Quomodo ergo sperare potuissimus levamen a majori stimulo? Nil habeo quidem, quod Brunoni opponam sudorisera inter debilitantia remedia numeranti; sudor enim ut quævis evacuatio debilitat certe, sed antequam hunc propellunt, opportet ut irritent nervosum systema, ut augeant sanguinis circuitum, & sic incremento favent inflammationis. Nemo dubitat emetica humanam debilitare machinam, sed quis ad talia confugeret faviente febre inflammatoria?

Quare illustr. Frankius Trallesium sequens
II) adeo fugit vesicantium usum, antequam
fracta est phlogoseos vis? An non quia om-
nem stimulum jure reformidat vigente phlogosi?

Stollius, vir, lenissimum abhorrens stimulum in inflammationibus, attamen propria atque Pringlii multiplici experientia nixus, opposuit sese Trallesio, atque usum cantharidum in rheumatica inflammatione non adeo restrinxit, operamque vir summis navavit ad hanc rheumaticam inflammationem a genuina distinguendam, multas adnumerans dif-
fe-

II) Tralles de usu vesicantium &c,

ferentias inter quas & crustam lardaceam sanguinem obtegentem memorat. En ejus verba : „ In rheumatismo febrili crustam summe phlogisticam in sanguine detracto semper vidi- „ mus , eamque tam crassam , ut vix ali- „ quid cruoris , aut rubrae partis appareret. „ In quocumque alio morbo inflammatorio , „ utut gravissimo , minor , tenuiorque cru- „ sta phlogistica apparebat”. 12) Et pag. 85 idem affirmat. Illustr. Frankius contendit , se hoc experientia confirmatum non habere , & maximo in honore habeo experientiam hujus eximii viri ; sed quod miratus sum , litteratissimum virum palam asseruisse , se ignorare auctorem alicujus momenti , qui has de crusta sanguinis instituerit distinctiones. — — —

COROLLARIUM VII.

Tenia expulsa.

Fœmina a juventute Jain vermibus labo-
rans , & si ipsi sit fides habenda , jam ul-
tra quinquaginta ulnas Teniae excrevit , do-
mi usa fuit , pulv. filicis mariſ , tanaceto
& fere omnibus sic dictis antihelminthicis nec
non & hydrargyro , a quo magnus obortus
est ptyalismus per sex hebdomadas sæviens.
Sco-

12) Stollii ratio medendi pag. 78.

Scolam practicam mense Martii petiit , narrans , se quotidie insultu febrili anomalo laborare , sub quo tantus est salivæ affluxus in oris cavum , ut metus suffocationis instet. Semper habere reptationis sensum cum torminibus multis , singulari vexari pedum pruritus cum frigore multo in plantis. Præscriptum fuit :

Rx. Resuræ stanni anglici purissimi unc. unam extract. liquirit. drach. duas mellis pur. q. s. ut fiat electuarium molle , ut sumat ter de die ad castanei magnitudinem.

Jam secundo die post sumtum remedium evigilata fuit nocte torminibus magnis , & cum alvo deposita septem ulnas teniae , caput autem non deteximus. Siluerunt quidem symptomata urgentia , sed remansit reptationis sensus cum levi febrili insultu. Porrecta fuit omni biorio talis stanni dosis , non amplius autem vespigium teniae apparuit. Domum petituram illustr. Frankius monuit , ut redeat , si symptomata iterum fierent urgentiora , quod , post octo menses nondum factum est.

COROLLARIUM VIII.

Paresis vesicæ.

Foemina antea sana, domi febrim, ut videtur catharralem, perpeſſa; jam ab initio urina difficulter prodiit, postquam hæc per quindecim duraverit dies, incepit abdomen tumere, & dolores colicos percepit; sic auxilium in nosocomio quæſivit; ad aliud cubiculum translata ibidem morbus ut entritis aut ut tympanitis inflammatoria tractatus fuit: accepit mixturam oleofam & cataplasma emollientia; eodem autem die ad clinicum deportata, exhibuit immensam molem in abdomine; cum illustr. Frankius hunc tumorem manibus teggisset & figuram pyriformem invenerit, mox exclamavit, vesicam esse extensam, & cathederem cito applicare jussit. Hoc facto, libræ novem urinæ eductæ fuerunt, fere eadem quantitas post horam, & magna copia hujus lotii, spatio aliquorum dierum, extracta fuit; nunc penitus detumuit venter, sed vesica munere suo non fungitur, adeſt vera paresis, hiuc vesicans ad regionem ossis sacri applicatum fuit, & injectiones tam in anuni quam in vesicam ex decoct. cort. factæ fuerunt nee non cataplasma aromatica ad vesicam. Illustri viro iterum regionem vesicæ investiganti, sese obviam dedit induratio, creditit partem

tem vesicæ induratam esse , & inunctiones mercuriales a Chilchristo nuper commendatas administrare jussit , nec non & decoct. rad. ononidis ordinavit , quod ab Acrell commen- datum legimus. Post continuatum usum horum remediorum , per aliquos dies dolor obor- tus est in vesica. Seposita est inunctio , & cataplasmata sic dicta emollientia applicata fuerunt. Post aliquos dies iterum ad mercu- riales illustr. Profess. redivit inunctiones , urina nunc sponte prodit , sed iterum insurgit vesicæ dolor , penitus nunc mercurii usus re-jectus fuit , & nil quam cataplasmata emol- lientia cum herba cicutæ applicata fuerunt ; quia tamen debilitas totius corporis adest , decoct. cort. ordinatum fuit. Sub hac me- thodo evanuit omnis induratio , vesica ut in naturali statu suo fungitur munere , sique post mensēm sana nosocomium dereliquit.

COROLLARIUM IX.

I & r u s.

Juvenis 23^{io} Februarii ad nos accessit , jam a quinque diebus ægrotans exhibuit : admodum flavam totius corporis superficiein , pruritum undique , lassitudinem summam , linguam muco flavo obtectam ; saporem tamen nou amarum , urinam tintetam & tingentem ,

febrim nullam. Per quatuor dies econprotica ex sale amaro & tamarindis accepit ; dein præscriptum fuit sequens. Rx. - extract. tarax. unc. dimid. salis mirabil. glaub. drach. duas , solve in aquæ commun. unc. novem , adde syrup. cichor. cum rheo unc. unam omni bihorio duo cochlear. Decoct, rad. tarax. pro potu , contra pruritum aliqua balnea ordinata sunt. Sub hac methodo sensim sensimque evanuit flavedo ; urinæ clariores redditæ , rediit appetitus & decimo martii nosocomium deseruit sanus. Dixit illustr. vir : si consulat omnem suam experientiam circa hunc morbum , tunc invenire : plurimos ictericos , lenibus solventibus , extractis amaris & salibus mediis , curatos fuisse. Quod etiam confirmatum hoc anno in nostro nosocomio conspeximus , ubi multos hac methodo sanavimus , unum exemplum si excipias , quod nunc recenseo.

COROLLARIUM X.

Icterus a terrore.

Foemina ad nos venit , quarto martii , cum omnibus icteri signis ; undique obiecta fuit flavo colore , urina tingens & valde tincta , pruritus cutis , lingua muco flavo obiecta , sapor naturalis. Cum terror obruit

ruit hanc fœminam antea sanam , & paulo post symptomata icteri apparuere , manifestum fuit hoc animi pathema sistere causam morbi ; sagacissimus vir ergo statim ad anti-spastica confugit & sequentia præscripsit. — Rx. Infus , flor. chamom. unc. quinque laudan. liquid. & liquor. anodyn. miner. aa gutt. quindecim, omni bihorio duo cochlear. sed fœmina altero die soporosa fuit , hinc omisso Laudano repetita fuit hesterna mixtura ; postquam hac per octo dies usa est , evanuit omnis icterus & nil quam parva remansit ventriculi oppressio , contra quam aquam menthæ cum extracto gentianæ ordinavit , & sic fœmina perfecta salute gaudens nosocomium deseruit. Icteri exemplum a terrore lethalis habetur apud Morganium. 13.)

HISTORIA X.

Febris nervosa cum affectione laryngis et pharyngis.

Juvenis viginti annorum , gravi morbo in nosocomio perpesso (videtur ex enarratione peripneumoniam fuisse) debilis nosocomi-

13) de sedibus & causis morborum &c. Epist. trigesima septima Nro 4.

mium dereliquit, mox iusecutus febrilis insul-
tus cum artuum dedolatione multa, doluit
guttur & adeo impedita fuit deglutitio, ut af-
sumpta per os naresque ejecerit; ad clini-
cum delatus cum omnibus hisce symptomati-
bus nec non & tremore totius corporis, pul-
sus sunt celeres atque molles, cutis aret,
vertigo multa, & lypothomiae, dum surger e-
vellet. Ex hac magna virium vitalium jactu-
ra cum febri multa, facilis conspectu fuit mor-
bi indoles, esse nempe febrim nervosam cum
topica gutturis affectione. Decoct. cort. unc.
novem cum, rad. polygal senek. drach. II.
infus. & inf. sambuc. cum melle ad collu-
torium præscribebantur: —

Vesperi obvenit diarrhæa. Medicina ea-
dem.

2do morbi die. Symptomata hesterna,
diarrhæa urget. Ad hesternam medicinam,
laudani liquid. gutt. quindecim. — Vesperi
ideam.

3to morbi die. Deglutitio integra, eva-
nuit diarrhæa, febris viget. Laudanum
omisum, cætera eadem. — Vesperi idem.

4to morbi die. Somnus nullus, debili-
tas magna, pulsus admodum celeres, aurium
su-

susurrus , subsultus tendinum , lingua sicca , dolet parumper pharynx , Ordinatum fuit.

R. decoct. cort. saturat. unc. novem , camphor. mucilag. arabica subact. scrup. duos, infus. liquirit. unc. tres , ut sumat omni bihorio vascul. Duo vesicantia ut rubefacientia ad suras.

Nec non & balneum tepidum —

Vesperi jam paulisper melius se habuit.

5to morbi die. Levamen magnum persistit æger , evanuit pharyngis dolor , aures non amplius tinniunt , pulsus autem adhucdum sunt debiles , celeres , & tendines ludunt. Aliquam tensionem in gutture accusat. Continuandum in besterna medicina. — Vesperi calor auerteret , recruduit diarrhæa & cutis admodum sicca atque tensa tangitur. Ordinatum fuit , ut iterum in balneum descendat æger , & adjectum est laudanum medicinæ , ut diarrhæa coerceatur.

6to. Somnus nullus , urgent omnia vespertina symptomata præter diarrhæam , hinc omissum laudanum , cæteroquin medicina atque balneum repetendum. — Vesperi rediit diarrhæa , iterum ad laudanum confugiendum,

7mo. Dolet venter , diarrhæa perseverat ,
E fe-

febris ut heri. Medicina hesterna cum laudano , ad ventrem cataplasma emolliens , inuncto prius ventre cum liniimento nostro volatile. — Vesperi uti mane.

8vo. Remittit linguæ siccitas , melius se habet. In omnibus continuandum.

9no. Carnis muscularis est tensa & rigidas cutis premit , cætera symptomata meliora. Medicina eadem & balneum tepidum.

10mo. ut heri. Medicina eadem.

11mo Noctem dormiendo transegit , sudavit multum cum magna euphoria , lingua est humida , sitis nulla , cutis tractabilis , mollis , pulsus fere non febriles, appetitus incipit. Omni trihorio medicina hesterna & diæta quarta. Sic sensim sensimque recuperavit vires , febris penitus desit , appetitus increvit ita ut 19mo post morbum die sanus redierit ad suos.

Æger multum diebus convalescentiæ sudavit , contra hunc sudorem nil quam decoct. cort. ordinatum fuit ; dixit illustr. Frankius : Hæniuni quidem contra hos sudores infusum salviæ commendasse , sed salvia ut stimulans remedium agit , nil specifici inest , & re ve-

ra sub solo corticis usu sudor evanuit
penitus.

Fine mensis Martii , magnus fuit febrium nervosarum in nostro clinico proventus , omnes obtulerunt signa gastrica , nec rara fuerunt topicæ affectiones præcipue in pulmonibus ; sed cum pulsus exhibuerint molles atque celeres , nec alia signa febris nervosæ defecerint , non habito respectu ad has topics inflammationes vel ad signa gastrica , statim cum roborantibus excitantibusque illustr. Frankius aggressus est morbum , & felicissima medela nos admiratione perculit ; nam non solum exiguum conspeximus numerum hac dira febri demortuorum , sed etiam convalescentia adeo in perfectam transivit sanitatem , adeo brevi recuperarunt vires , ut nobis non opus fuerit , quod Stollius recensuit , de convalescentibus loquens „eos paulo diutius , quam „adversa ipsorum valetudo exigere videba- „tur , retinuimus , imperfectum tantummo- „do , aut fere nullum beneficium rati , si ; „quos morbus acutus non sustulit , longa in- „firmitas consumeret ” 14.) Talem infirmitatem nunquam post methodum roborantem observavimus.

14) Ratio medendi pars I. pag. 10.

HISTORIA XII.

Icterus.

Vir robustus fere semper sanus , subito post iram correptus fuit ictero valido , cum diarrhæa magna ; fæces initio morbi fuérunt albæ, mox autem in naturalem commutatæ colorem ; ruétus amari , vomituritiones , urinæ profundissime tinctæ , tingentes , flavet corpus & viridem fere exhibit superficem , æger incapax laborum , in schola practica auxilium quærit , abest febris , omnis pruritus nec non & lassitudo , ictericis adeo solita ; linguam sat proram exhibet. Præscripta fuit prima die mixtura ex aqua menthæ cum liquore anodynō.

Altero die 5ta Aprilis , accepit tinctur : rhei aquos. unc. tres , salis mirab : glaub. unc. dimid , aquæ commun. unc. tres . omnibhorio duo cochlearia ; cum appetat , diæta concessa fuit quarta. Sic continuatum fuit in tertium usque diem , cum alvum abhinc quinquies deposuerit.

7mo Aprilis. Iterum æger septies alvum deposit , vigetque adhucdum icterus ; ut alteri indicationi , quia ab animi pathemate originem duxit malum , satisfiat , ordinatum

tum fuit : Infus chamomill. unc. novem , liquor. anodyn. mineral. scrup : duo , omni bihorio duo cochlearia.

8vo Aprilis. Pes dexter cum crure torpet , & si in alterum sese convertat latus , mox spasmodice contrahitur pes , hepar rudem non perfert attactum , urina minuta tincta. Hesterna mixtura.

9no Aprilis. Torpor perdurat , monstraturque hepar non liberum esse , ad mixturam antispasticam thebaicæ tincturæ gutt. decem fuerunt adjectæ , decoct. resolv. pro potu.

10mo Aprilis. Insomnis nox — forsitan ab opii usu — torpor non tantus. Cum ergo illustr. Frankius vedit , huic ictero , causam in animi pathemate quærenti , non adeo conducere antispastica , ut ictericæ fœminæ , cuius historiam supra memoravi ; rursus ad solventia reversus est , & sequentia præscripsit.

R. extract. tarax : arcan. dupl. âunc. dimid. solv: in decoct. resolv. libr. una , omni bihorio vascul. di- midium.

11mo Aprilis. Somnus inquietus , al- vus

vns clausa , urina pellucidior , siccitas cutis.
Remedia hesterna & balneum tepidum.

12mo Aprilis. Paulisper melius. Continuandum in omnibus.

13to. Cutis admodum flava, torpor dextri cruris pedisque urget ; si æger in alterum convertitur latus, manifesta detegitur durities ad lobulum Spigelii. Medicina continuanda.

14to. Cum alvus non sat respondeat , augenda salis mirab. glaub. dosis ; iterum balneum tepidum.

15to. Ut heri : Medicina eadem. Sic ad decimum octavum usque diem ; torpor evanuit , urinæ fiunt clariores. Alvi depositiones crebræ. Nunc succi recentes ex tarax : cum toto ad unc. unam in feri lactis libr. una præscripti fuerunt , ut sumat talem dosim omni die. Sic continuatum fuit ad 24tum usque Aprilis , æger de die in diem melius se habuit. Cum alvum non deposuerit , omni die scrup. duos salis amari accepit. Continuato horum remediorum usu , sanus 28vo Aprilis nosocomium dereliquit.

Desuerunt (quod rarum est) in hoc iectero & pruritus & lassitudo ; torpor autem &
stu-

Supor cruris pedisque dextri , non commune
est symptoma in hoc morbo.

Inter tot icteros , quos hoc anno con-
speximus , non unus fuit , qui albas exhi-
buit fæces , ita , ut merito spectent ad se-
cundum genus icteritiæ a Bianchi traditum ;
de quo egregius vir dicit : „In hoc icteri
„ genere , non albescunt excrements , ut in
„ priori , sed potius intensius flavescent ;
„ tum multo citior est hujus icteritiæ , supra
„ antecedentem (quæ originem in hepate ha-
„ bet) productio” 15.)

HISTORIA XIII.

Hepatitis & Splenitis traumatica.

Vir 33 annorum , bona semper gaudens
valetudine , si peripneumoniam excipias ,
quam æger ante tres annos perpessus est , ex
qua tamen perfectissime convaluit ; ante
quatuordecim dies , ictu valido ex machina ,
quam ad cudendas monetas adhibent , per-
cussum est ; vehemens illico dolor in hepatis
regione , cum vomitu omnium assumptorum
se-

15) Bianchi Historia hepatica pars II, cap. X.
§. VIII.

secutus , ob doloris vehementiam officinam dereliquit domum petiturus , in via jam horrore valido totum concutiente corpus correptus , & hic per duas duravit horas. Lectum petiit , cum frigus , calor multus & sudor partialis ad partem capillatam capitis exceperunt. Symptomata hæc per plures alternarunt dies , remanente tamen semper dolore hepatis cum appetitu prostato sitique intensa. Æger , præter inunctionem cum spiritu saponis ad latus affectum , nil adhibuit. Diætam observavit strictam ; alvus sponte prodiit.

Septimo die post hunc iectum validum , dolor ad hypochondrium dextrum & calor & sitis pro maxima parte remiserunt — hasce morbi reliquias parvi faciens , ad labores , minores quidem assuetis , rediit ; mox recruduit malum ! Lecto nunc affixus æger ; dolor ad scapulam usque fese extendit , decubitus in latus dextrum impossibilis , torpet & dolet brachium dextrum nec non & crux dolore afficitur cum tumore , sapor oris amarus , sitis magna ; siccitas faucium , cutis intractabilis ; medicum non implorans auxilium , illivit latus variis unguentis , interne nil assumens. — Nova nunc mala pristinis sociantur , susurrus aurium — inexplicabilis sitis , ardens calor , dolor ad ventriculum ad

lienem usque extensns , sedem tamen nunquam in hypochondrio dextro relinquens. Spiritus angitur , tussis , ad quam retinendam summopere nititur , propter dolorem subsequentem ; nunc & manus dextra tumet ; affectio scapulæ dextræ quoque in sinistram transit , ita ut æger in dorso decumbere nequeat.

Quatuordecimò morbi die scholam practicam petiit , ubi præter enarrata exhibuit faciem cachecticam cum genis rubentibus , respirationem læsam , manum dextram tumentem atque erysipallaceo rubore obductam ; pulsus frequentes , plenos , duros , vibrantes ; calorem cutis multo auctum. Venæ sectio ad unc. octo , fomenta emollientia ; clysmæ emolliens , & leniter evacuans ex pulpæ prunor. unciis duabus manuæ unc. una in aquæ unc. novem solut. omni hihorio vasculum. Decoct. hordei cum nitri drach. duabus & exymel. unc. duabus. Tres horas post , exiguum levamen , symptomata urgent , sanguis corio denso obductus ; venæ sectio ad libr. unam. Quatuor horas post , respiratio parum melior , urina profunde tincta ; venæ sectio ad unc. decem. Cætera continuanda.

Isto morbi die. Respiratio paululum
in

in melius mutata, urina admodum tineta, cætera symptomata perstant. Sanguinis libra iterum educata, cætera eadem. — Vesperi remisit paulisper dolor cruris, nunc genu quidquam flectere potest, quod antea nequivit; respiratio melior, dolor in hypochondrio dextro minor, sævit autem in ventriculi lienisque regione; amarities oris disparuit, lingua humidior; sitis non tanta, urina autem flammea & pulsuum durities vigeat. Venæ sectio ad unc. sex, reliqua eadem.

16to morbi die. Hypochondria attactum magnopere fugiunt; profunda inspiratio difficilis; tument nunc utraque manus, sed dextra solummodo erysipellacea picta rubore; sitis iterum magna, nec non & siccitas oris & sapor amarus redierunt, pulsus admodum duri & vibrantes. Venæ sectio ad unc. duodecim. Medicina hesterna. — A meridie symptomata parum mitiora. Venæ sectio ad unc. octo. — Ad nonam, somnus placidus, respiratio liberior, cutis tractabilior, sanguis adhuc semper corio phlogistico obductus.

17mo morbi die. Dormivit per aliquas horas, sudor levis ad caput & pectus secutus; respiratio profundior, sermo liberior, dolor in

iu hepate minor , urget autem in ventricule & liene , detumuerunt manus , & nil quam phlogosis levis in manu dextra supereft ; scapulae minus dolent , flectitur crus dextrum si ne magno incommodo , dolor pungens ad plantas pedum succedit ; abdomen non tumidum , pulsus duritiem non deperdunt , hinc sanguis ad unc. sex eductus fuit. Cætera eadem.

Vesperi , pejus se habet , dolores re cruduerunt omnes , cum respiratione difficultatque pulsuum . duritie summa ; attamen aliqua inconstantia observatur in arteriarum ictibus. Jussa fuit Venæ sectio ad unc. decem cum hac cautela , si collaborerentur pulsus , dum sanguis effluit , ut statim cessandum , Cætera eadem.

Igvo morbi die. Respiratio parum liberor , dolores perstant ubique , præcipue autem urgent in ventriculi lienisque regione ; pulsus duri , tensi , urina rufa Sanguinis missio ad unc. sex , unguentum alth. pro inunctione abdominis. — Medicina hesterna. Versus vesperam remissio nulla , attamen vires non adeo sufficiunt , ut nobis non adhuc cum venæ sectione exspectandum esset. Hora undecima nocturna , dolores urgent impediuntque somnum , respiratio angusta. Venæ sectio unc. quinque.

19no die. Symptomata mitiora , pulsus non adeo duri , urina minus tincta. Venæ sectio nulla , in medicina continuandum. Vesperi uti mane , famem accusat magnam. Ovum sorbile in jusculo.

20mo die. Omnia in melius , hepar atactum jam fert , magis autem adhucdum hunc fugit lien. Respiratio bona , urina non amplius tincta , pulsus potius molles , scapulae indolentes , sitis moderata , appetit. Hesterna ordinantur & ovum rufus sorbile.

21mo die. Jam in latere dextro incumbit , urina citrina , absentia omnium dolorum febrisque omnis ; urget fames. Pruna cocta atque ovum sorbile. Medicina uti heri , nec cataplasma adhucdum sunt seponenda.

22do die. Præter sensibilitatem in hypochondriis nimiam , sanus. Medicina hesterna , fomenta inunctionesque , diæta quarta. 23to evacuans omissum est. 24to ut heri. 25to Dolor ad genu dextrum , fomentum emoll. Diæta tertia. 26to evanuit dolor in genu , surgit æger per dimidiam horam. 27mo jam evanescit sensibilitas illa morbosa in hypochondriis , nihilominus externa remedia continuanda.

28vo. Jam vinum ad libr. unam concessum fuit.—29no Dolet paulisper scapula sinistra , linimentum volatile. 30mo ut heri. 31mo dolor scapulæ versus noctem auctus , somnum abripiens , pulsus tamen naturales. Vesicans ad locum affectum.

32do Dolor scapulæ perstat eadem vehementia. Porrectum fuit infusum sambuc. cum aceti ammoniacal. unc. una cum dimid. A meridie dolor jam remisit.

33tio. Dolor fere evanuit , continuandum in haustu salino ; a meridie dolor nullus. Mixtura omissa.

24to Sanus. 35ta Perfectissima sanitate gaudens nosocomium deseruit.

Vir hic dira inflammatione correptus , cacheticam & exsanguem præsetulit faciem , attamen venæ sectiones egregium præstiterunt effectum , nec non & evacuantum virtutem in inflammationibus, manifeste hoc casu confirmationem vidimus.

Methodus alvum in inflammationibus purgandi, antiquitati jam proficia visa est ; & sæculo elapso , fere omnes medici virtutem ejus

ejus bene perspexerunt. 16.) Hippocrates quidem in aphoris : XVI libr. VI. dicit. „Pleuritide aut Peripneumonia detento , diarrhoea , haemorrhoides , in aluum”. Sed iam egregius ejus commentator Hollerius , valde restrinxit hanc sententiam Magni Coi , addiditque : „Ex hac sententia colligunt plerique in pleuritide & peripneumonia nullo modo movendam esse alvum. Imo movere possumus & tuto , non quidem medicamentis illis veterum fortibus & agitatoriis : sed cassia , catholico , addita aliqua portione rhabarbari”. 17.) —

HISTORIA XIV.

Peripneumouia.

Vir torosus magnorum assuetus laborum fracturam ossis clavicularis dextri lapide ab alto cadente ante tres annos perperitus est ; sanatum brevi vulnus , sed ab hoc tempore dispnoicus factus. Duos annos post peripneum-

16) Senert. medicin. practi. libr. II. pars II. cap. XVI. Riverii opera omnia libr. III. sect. III. Caput II. institut. medic.

17.) Jacob. Hollerii in aphorismos Hippocratis Commentarii,

neumonia laboravit , methodo antiphlogistica quidem restitutus , remanente tamen , asthmate. Ante octo dies absque data causa inopinato correptus fuit horrore valido , subsequente calore , & dolore pungente ab osse claviculari , olim fracto , incipiente , & ad quartam usque costam veram sese extende- te ; quamquam & spiritus præclusus fuerit & malum de die in diem incrementum ceperit , hoc tamen neglexit æger & nono primum die auxilium in nosocomio imploravit , ubi validam exhibuit peripneumoniam ; sed molles (an non a vehementia inflammationis?) tanguntur pulsus , ægerque debilitatem totius corporis accusat ; sputa cruda.—Illustr. Frankius comprobavit factam diagnosin : esse febrim nervosam cum topica pulmonum affectione. Ordinatum est decoct. cortic. peruv. unc. novem , liquor anodyn. mineral : Hoffman. drach. dimid. iufus. liquirit. unc. tres. Omni bihorio vascul. medium. Vesperi omnia eadem , & sputa jam cruenta — pulsus inconstantes , nunc vibrant nunc collabuntur.

Iomo morbi die. Diarrhæa — peri- neumonia urget , angitur respiratio & tussis cum sputis cruentis perseverat. Remedia hesterna , & duo vesiicantia ad suras. Vesperi. Exacerbatio valida , suffocatio instat , continuandum in methodo stimulante. —

I Imo morbi die. Nox insomnis , jaesta-
rio , respiratio infelix , vox quasi abolita ,
desunt quidem calor urens , tendinum lusus ,
petechiae , omnia denique symptomata febrim
nervosam concomitantia , nec virium jaestura
tanta est , nam surgit æger absque ullo incom-
modo ad alvum deponendam , attamen inol-
litie atque inconstantia pulsuum ductus , illustr.
vir non mutavit methodum medendi ; insi-
stendum jussit in decoct. cort. adjecto tamen
laudano ob diarrhæam urgentem.—Duo ves-
cantia ad brachia. Vesperi respiratio an-
helosa , suspiriosa , facies hippocratica , hac
nocte periit suffocatus.

Sectio cadaveris.

Pulmo dexter arête & tendinosa quasi li-
gatura cum pleura cohæsit , (in hac nempe
parte , ubi æger dolorem persensit) ita ut si-
ne substantiæ læsione divelli non potuissest ;
lobulus pulmonis dextri per totam substan-
tiæ durus atque inflammatus , sed non est
illi color , quem in recentibus inflammationi-
bus deprehendimus. — Os claviculare callo
concretum — læte rubuit ramus bronchiorum
dexter. — Cæteroquin sana omnia fuerunt
intestina.

HISTORIA XV.

Febris intermittens legitima.

Si non adfuerant manifesta symptomata faburræ gastricæ , ut ructus ovum patridum redolentes , ventriculi oppressio magna cum nausea ciborum multa , illustr. Frankius parvi faciens linguæ flavedinem , amarorem oris , albugineam flavam &c. (quæ omnia fo boles ipsius febris esse possunt) experientia ampla multorum ductus annorum , statim cum cortice jugulavit febrim intermittentem , & omnes iterum mirati sumus sagacitatem viri hujus egregii ; nam non unum horum malorum sequi vidimus , de quibus tam multum medici loquuntur. Ipsiem etiam multos sic curatos postea vidi , integra fruentes valetudine. En primum exemplum !

Vir robusto cum corpore febri intermitente correptus ad nos venit. Ante aliquot annos hæmoptoe laborabat , ab hoc tempore pectoris angustiæ tuisisque remanebant , nec non & debilitas totius corporis. Annum post , quartana ei obvenit , cum cortice perfecte fugata. Nunc jam ab octo diebus quotidianos patitur insultus febriles , calorem , quem frigus præcedit , sequente autem sudore auroram versus. Sputa prodeunt alba , tena-

cia , præcipue matutinis horis. Timuit ilustr. Vir , ne sub larva hujus intermittentis lateat suppuratus pulmonum status , cum jam morbi pectoris prægressi sint , hinc non ausus est corticem porrigeret. Decoct. emoll. nil aliud. — Altero die quoque , cum insultus redierit iterum , nondum certus de hujus intermittentis natura , quamquam efficacia corticis in quartana prægressa tam manifesta fuerit , nil quam decoct. emolliens exhibuit.

Tertio autem die præscripsit. Rx. pulver. cort. peruv. unc. unam, divid. in duodecim partes æquales. Omni bihorio unam dosin. Postquam æger hos pulveres per duos sumferat dies , jam non rediit insultus , continuabatur hujus usus , donec uncias quatuor corticis (qualis dosis illustri Frankio in regularibus febribus fere semper suffecit) consumferat , & sic sanus nosocomium deferuit.

C O R O L L A R I U M XI.

Febris subcontinua Tortii.

Juvenis medicinæ studiosus 6to Aprilis ad nos venit cum febre nervosa continua remittente (sic saltem visa); aderant aurium surrus , sapor depravatus , pulsus celeres atque

que debiles, exacerbatio vespertina, urina turbida cum sedimento lateritio — remissiones manifestæ, cephalæa urget, hæmorrhagia autem narium, quæ septimo morbi die subvenit, magnum attulit capiti levamen. Medicina ex decoct. cort. cum rad. polygal senekæ æger ad 17um Aprilis usque usus est, absque conspicua euphoria, febris pertinax; sed bac die apparuit vera intermissio, nocte subsequente rediit subsultus, nunc manifesta febris natura! Adjecit illustr. Professor decoct. cort. pulverem corticis ad unc. dimid. & 19no Aprilis paroxysmus jam mitior, 20mo nullus & 23io Aprilis sanus ad sua studia rediit.

HISTORIA XVI.

Tracheitis cum febri nervosa.

Puella fibra nimis irritabili atque ingenio' malto prædita, 7mo Maji perfrigerium perpesta, tensionem in muscularis colli percepit, deglutitio quoque fuit impedita; gargarisma emolliens adhibnit. 8vo Maji idem. 9no paululum melius, sed denū auræ frigidiori sese exposuit, cantuque fatigavit guttur, mox dolorum incrementum! Cynanche apparet laryngea, respiratio difficilis, jactatio, suffocationis metus, deglutitio fere abolita. Homo in clinicum suscepta, de summo tra-

cheæ dolore conquerens , si inspirare conatur ; sublimi anhelitu auram captat misera , & omni momento suffocatio instat , pulsus molles , debiles atque celeres ; creberrimus tendinum lusus , & omnia signa febris nervosæ : hinc mox decoct. cortic. , & pulveres ex moschi gran. tribus cum sachar : scrupulo præscripti fuerunt. Vesicans intra scapulas & cataplasmat. emmollientia. — Vesperi symptomata aucta , vesicans circa collum , vapores ex aqua tepida ad internas partes loci affecti , cum deglutitio fieri non possit , clysmata ex decoct. cort. saturati unc. quatuor.

11mo paululum melius , continuandum in hesterna methodo. — Vesperi exacerbatio , sudor autem nocte erumpens levamen attulit.

12mo. Respiratio levior , sed deglutitio magis impedita , pulsus , qui antea diffluentes fuerunt , nunc jam insurgunt (diffluentem vocat illustr. Frankius illum pulsum , qui sub attractu nullam resistentiam exhibet , sed sese in latum expandit , uti aqua sub digitis diffluit , si tangatur ; videtur hujus pulsus conditio ab amissa irritabilitate atque contractilitate arteriarum provenire , ubi jam nihil amplius quam cordis vis adhuc sanguinem in

vasa protrudit) cum ergo res in melius ver-
gat, continuandum in indicatione hesterna. —
Vesperi tamen exacerbatio.

13to. Oppressio pectoris, respiratio
frequens, sanguinea sputa sine tussi, trachea
sana, pharynx liber, videtur nunc malum
bronchia occupasse, lypothomiæ hinc inde.
Pulsus debiles. Ordinatum fuit decoct. rad.
polygal. senek. ad drach. tres in aqua com-
mun. libr, una. Pulveres moschi ad gran.
tria, cum scrup. uno sachar. alb. Clyster, &
vesicans intra scapulas. — Vesperi omnia
eadem. Sudor per noctem.

14to. Pectoris oppressio imminuta, fe-
bris fere nulla. Trachea sana. Infus. sam-
buc. Cum alvus jam a quatuor diebus non re-
spondeat, clyster purgans ex sale amaro cum
manna ordinatum fuit,

15to. Bene se habet, alvus clausa, cly-
ster hesternus repetendus. 16to. Bene ha-
bet, alvus nulla, injectio iterum hesterna.
17mo. Alvus prodiit, convalescit. — Ve-
speri recruduit paulisper gutturis malum, ac-
cepit. Chamom. infus. cum liquor. anodyn.
Hoffman. guttis quindecim. Mox cessavit.
19no, Sana domum petiit.

Dirus fuit morbus, inflammatio vehemens, attamen ob febrim nervosam hanc cynanchen concōmitantem, illustr. Vir, experientia fretus, ad roborantia confugit, & cito & jucunde restituta fuit ægrota.

Vidimus apud hanc puellam, anginam in peripneumoniam abiisse, absque illo damno, quod Medicinæ Pater in aphorismis consignavit. 18.) Videtur ad anginam potius cum febri inflammatoria incidentem, revocandum esse hoc effatum magui Coi. — —

Non debemus confundere hanc cynanchem cum illa, quam Boerhavius sub nomine anginæ suffocativæ describit, & de qua dicit: hysteris hypochondriacisque solitam esse; quod etiam Switenius confirmat, qui evacuantium usum hoc in morbo damnat. 19.) Nam primo, in hac, nec tumor nec rubor appetet, quod manifeste in nostra ægrota vidimus 2do. Ut recte Boerhavius monet, abit redditque, nostra autem, constans sistebat malum. 3tio febris abest, & solummodo insultus tempore accelerantur pulsus, continua autem febri laborabat hæc puella. 4to. In angina suffo-

ca-

18) aphorism. X Sect V

19.) Switenii Comment. in Aphorism. Boerhavii. §. 818.

cativa , persæpe volatilia ad nares admota jam totam absolvunt medelam , cum angina , quam coram habemus , seriem medicamentorum postulaverit. —

COROLLARIUM XII.

Hepatitis cum febre nervosa.

Puella diris correpta doloribus in hypochondrio dextro & magno febrili insultu, 4to morbi die nosocomium petiit ; ab alio medico secta fuit vena & cataplasmata emollientia adhibita ; vesperi ad clinicum delata , propter cruciatus enormes , iterum sanguis missus fuit , crux absque crux lardacea , 5to morbi die mane ab illustr. Frankio visa , exhibuit omnia signa hepatis affecti , se re convulsa ob dolores , attactum jam a longinquo fugit nec brachium nec pedes movere potest , ejulat ; sed pulsus molles , celeres , contorsio faciei , & vires prostratae. Mox ad methodum roborantein confugit vir egregius , præcipue moschum ad gran. tria cum scrup. uno sach. omni bihorio porrexit , clysmata & cataplasmata sic dicta emollientia ad latus affectum ; sic jam quinta die liberata a morbo , lectum deseruit. Panio post ad suos rediit sana.

HISTORIA XVII.

Peripneumonia.

Juvenis 17 annorum, fere semper sanus, ante quatuor dies frigore calore & pectoris oppressione cum dolore in latere dextro thoracis correptus fuit, sumto vero theato potu dolorem disparuisse afferit. Altero die 13^{io} Junii rediit denuo insultus cum cephalaea & dolore sanguine in pulmone dextro, multam aquam gelidam hauisit, ad sedandum aestum; infecuta sunt sputa cum multo sanguine mista. 14^{ta} Junii malum perseveravit, sputa autem rariora non cruenta. 15^{to} Junii ad scholam practicam delatus exhibuit: oppressionem magnam in pectore, dolorem pungentem in pulmone dextro, præcipue in lobo superiori, respirationem tussi multa interceptam, si in latus dextrum se convertere conatur, statim angitur spiritus, tussisque vehemens insequitur. Thoracem angustum exhibet atque male formatum. Lingua est siccata, sitis intensa, urina profunde tineta, alvus liquida, nocte placide deliravit. Quis non ex hisce signis concludere potest, diram pulmones tenere inflammationem? & re vera, sic facta est diagnosis! attamen ob mollitiem, irregularitatemque pulsuum (quod ex impedito sanguinis per pulmones circuitu derivari

po-

potest , & ideo in diris peripneumoniis non rarum est) ob parva illa deliria nocturna , (quæ in veris inflammationibus viderunt & Stollius & alii multi , præcipue apud juniores) statim methodus roborans & stimulans arrepta fuit ; accepit infusum polygalæ senek. cum liquiritiæ infuso ad unc. tres. Fomentationes emollientes ad latus affectum. Vespertina exacerbatio magna , nil in methodo mendendi mutavit.

16to Junii. Somnus non multus , deliria parva noctis tempore , caput hodie temulentum , sitis perseverat , respiratio mala , oppressio magna , silet quidem paulisper lateris dextri dolor , sed exasperatur sub quavis inspiratione profunda , alvus fluida bis mota , pulsus valde frequentes , molles , calor urens. Medicina hesterna continuanda. — Vesperi , delirat , symptomata matutina aucta ; adjectum fuit decoctum cortic. ad polygalæ infusum. Fomenta hesterna , nec non & vini libra una pro potu. —

17mo Junii. Respiratio infelix , conqueritur æger de igne violento in pectoris cavo , pulsus irregulares , cutis arida , calor urens , tussis multa dolorifica , sputa nulla. — Medicamenta hesterna.

Vesperi. Calor magnus , urens , caput temulentum , lingua & cutis sicca , hinc inde tendinum lusus , pulsus admodum frequentes ita ut vix numerari possint. Continuandum in medicina & iterum vini libr. una. Duo vesicantia ad furas. Hac nocte periiit. —

Sectio cadaveris.

19no Junii publice facta est : Thoracis cavum angustum , nam hepar ad quintam usque costam veram ascendit. Pulmo dexter hinc inde cum pleura concretus , lobus superior pulmonis dextri , summa phlogosi correptus , cum cæteris lobulis hujus lateris arête concretus & disiectus compactam obtulit substantiam , hepatis cocti ad instar in aqua fundum petens. Pleura lateris dextri non inflammata — sed materie puriformi undique obtecta. Pulmo sinister collapsus nec vestigium phlogoseos adfuit. Pericardium aqua multa repletum ; cor minime inflatum , interna bronchiorum membrana , materie puriformi repleta. Cæterum , omnia sana.

HISTORIA XVIII.

Dolor hypochondrii dextri.

Ancilla 25 annorum, robusta, virili vi-
gore gaudens, fere semper sana, 19no Ma-
ji, postquam largiorem copiam brassicæ con-
ditæ cum multa carne suilla fumata comederit,
vesperam versus horripillatione cum calore
alternante atque dolore circa lumbos correpta
fuit, dolor mox ad hypochondrium de xtrum
adscendit, & spiritum difficiliorē reddidit;
accessit altero die cephalea, ciborum fasti-
dium, amarities oris, vomituritio & vomitus
parvus. Sic 21mo Maji clinicum petiit. Ru-
bēt facies, sitis urget, fastidit ciborum no-
men, dolet hepatica atque epigastrica regio,
attactumque fugit, anxia est respiratio, in
nullum latus propter dolorem fese conver-
tendi potestas; alvis clausa; pulsus non
multum a naturali differt, calor naturalis,
debilitas nulla. Nescio quare hunc morbum
absente Professore pro febri nervosa cum
topica pectoris affectione declararint? — —
Adhibuerunt decoct. cortic. cum infus. po-
lygal. Fomenta emollientia & clyster emol-
liens.

22do Maji. Dolor atrox omnem fuga-
vit somnum, urgent hesterna symptomata;
ali-

aliqua tensio in pulsu , vigent corporis vires ; morbum ergo illustr. Frankius , pro rheumatica affectione declaravit , & febrim quæ hanc comitatur , symptomaticam salutavit ; præscripsit unc. duas manæ , salis amari unc. unam , solve in aquæ unc. novem ; sensim sensimque sumendum. Clyisma emolliens , & fomenta emollientia. — Post meridiem. Nimiris debilis fuit hæc mixtura , alvum nullum sollicitavit , oborti sunt magni dolores colici ; dolet hypochondrium dextrum , abdomen multis flatibus tensum , pulsus sub hisce ærumnis insurgunt , sitis magna. Porrecta fuit sequens mistura , ex pulpæ prunor: unc. duabus , tremor. tart. drach. sex solve in aquæ commun. unc. novem omni bihorio vascul. clysteres repetendi , donec alvus moveretur ; hoc facto , dolores mox cellarunt. Sed infecuta est nox non tranquillior hesterna , sudor undique manavit.

23^{io} Maji , quinto morbi die. Dolor nunc & hepar ipsum occupavit , nam & scapula & femur dextrum in consensem trahuntur ; pulsus fere naturales , alvus non respondet ; (quid erat nunc indicatio ? credo , nisi omnia me fallunt , in usu eccoproticorum insistendum , cum jam una depositio , tam insigne attulerit levamen ! sed illustr. Frankius nervosam timens) præscripsit , infasum po-

polygal.; ad latus affectum vesicans. Re vera, post meridiem dolor in latere dextro multum imminutus, sed sicut in ventriculi regione adeo, ut loquela respirationemque impedit, attamen pulsus, nisi sub vehementia insultus, fere naturales, alvus clausa, madet cutis sine levamine; nunc dixerunt morbum esse spasmodicæ indolis, & mixturam ex aqua menthæ, cum liquor. anodyn. Hoffman: scrup. duobus & laudan. liquid. guttis quindecim præscriperunt, alvum enematibus sollicitabant, & vesicans ad regionem epigastricam applicabant. Insecuta est nox tranquilla. —

24to Majii. Recruduit dolor in hepatis regione, evanuit in epigastrio; urina cum sedimento lateritio, profunde tincta; pulsus atque corporis calor naturales. Continuatum in mixtura antispastica. Post meridiem ægra de calore aucto, somnolentia multa, & siti continua conqueritur; omiserunt hinc mixturam, sed roborandi causa (cum talibus non egeret) aquæ libr. tres spirit. vini unc. duas & mel. unc. unam præscriperunt. — Insecuta est nox summe inquieta, insomniis multis, atque dolore multo in hipochondrio dextro, ægra vexata.

25to Maji. Urinam excreturæ, lypothomia obvenit; pulsus celer & parvus,
nunc

nunc de artuum dedolatione summa conque-
ritur , alvus clausa , appetitus dejectus ; pro-
pinavit illustr. Frankius , decoct. cortic. unc.
novem , liquor. anodyn. Hoffman. scrup.
duos , tintetur. anodyn. guttas quindecim
infus. liquirit. unc. tres ; balneum tepidum ;
potum hesternum atque enema. Post meri-
diem. Sudavit multum in balneo , cum eu-
phoria ; appetitus nullus ; alvus clysmate
semel mota , pulsus elevatores ; sitis urget.
Abhorret potum spirituofum , hinc omitten-
dus & continuandum in cæteris.

26to Maji. Sudor somnum impeditiebat ,
prorumpebant menstrua , functiones vitales
rite procedunt ; decubitus in utrumque latus
facilis , flavet albuginea , appetitus in acida
insurgit , urina valde tincta , continuatur he-
sterna medicina. Cum autem vesperi hanc
summopere abhorreat , pristinam antispasti-
cam mixturam sine laudano accepit. Nox
turbata somniis terribilibus , & ob anxietä-
tem circa præcordia (unde hæc anxietas ?)
dormire nequivit. — Sudor multus.

27mo Maji , anxietas præcordiorum , do-
lor tam dextri lateris , quam coxae adauctus ,
appetitus ex integro abactus — ad hester-
nam mixturam gutt. decem tint. anodyn.
adjectæ fuerunt. Alvus enemate sollicitanda ,
cum

nam ægra afferit, se semper post alvi dejectionem, magnum persentire levamen. Vesperi alvus educta — levamen anxietatis; lingua nunc purior, sitis autem urget, insurgit appetitus. Continuanda mixtura.

28vo Bene se habet, mixtura omissa, diæta quarta.

29no Cardialgia. Mixtura antispastica, & alvus clystere movenda.

30mo versus vesperam recruduere dolores præcipue ad lumbos. Mixtura antispastica repetenda.

31mo Lingua quidquam impura; appetitus viget. Pustulæ valde prurientes in brachiis pedibusque erupere. Hesterna medicina.

1mo Junii. Dolor lumborum. Linimentum volatile cum camphora.

2do Junii. Devoravit clandestine poma aliqua cruda; nunc dolor lumborum auctus, flatulentia, anxietas circa præcordia, cardialgia, tristitia, dedolatio artuum, lingua spurca, pulsus naturali frequentiores, debiles, vires dejectæ. (Cum causa redeuntis hujus morbi nondum patefacta fuit) illustr. Francius

kius iterum febrim asthenicam pertimescens decoct. cort. unc. novem cum liquor anodyn. Hoffman. drach. una præscripsit; nec non & linimentum volatile. Alvis clysmate solvenda, & diæta tenuis. Vesperi. Post assumptas duas doses hujus decocti, ob fastidium medicamenti, vomuit ægra cibos indigestos cum materia glutinosa, summe acida atque dentes obtundente (bilis Stollii); Infectus & febrilis insultus, atque nox insomnis, ob ossis sacri dolorem & cardiaæ oppressionem.

3to. Caput temulentum; lingua impura; febris nulla — cutis perspirabilis. Præscripta fuit, mixtura antispastica cum laudan. liquid. gutt. quindecim, diæta tenuis.

4to Omnia in melius, appetit aeida.
Diæta tertia.

5to. Cum dolores in lumbis nondum ex integro fugati sint, ordinatum fuit: pulvis doveri ad gran. duo cum sachar., scrup. uno omni trihorio sumenda talis dosis. Diæta hesterna.

6to. Ob eandem causam, balneum.
7mo

7mo. Insistendum in usu pulveris dove-
ri. Sic continuabatur ad 13tium usque Ju-
nii , ubi tandem 26to morbi die curata , noso-
comium deseruit.

Illustr. Frankius , summopere nitens, me-
dicinam ad simplicitatem revocandi & undique
indubitatem veritatem in hypothesis locum
substituendi , jure spernit nimis scrupulosam
indagationem in morborum causas , cum ple-
rumque obscura premantur nocte , & in hoc ,
quemadmodum in pluribus iterum assentit
Friderico Hoffmanno dicenti : „Quisque ,
„ qui rationalem medicinam profitetur , cla-
„ mabit , causas morborum removendas &
„ ob id , apta remedia invenienda esse ;
„ sed sicuti in genere id recte dictum est ,
„ ita postmodum in applicatione miras hal-
„ lucinationes & ingentes errores animadver-
„ timus &c.” 20.) Sed cum manifesta hic fue-
rit morbi causa , nescio , quare illustr. Vir-
tam cito methodum evacuantem , quæ jam le-
vamen attulit , deseruerit ; ad aliam festinans;
quæ non adeo conduxit ægrotanti , ut ex
morbi historia videndum & quæ (ut videtur)
morbum in longum traxit. An non celebris

G

no-

20.) In dissertatione de recta & simplicissima na-
turæ medendi methodo.

noster Professor ipse medelam damnavit, quæ
sola circa symptomata versatur? 21.)

Quod ad lumborum dolorem spectat, quem nostra ægrota per totum fere morbi decursum, perpessa est; quamquam hunc toties hoc anno cum febri nervosa incedere viderimus, attamen posse quoque faburræ gastricæ sobolem esse nemo negat; & jam medicinæ pater solummodo hunc in acutis damnat, qui sine manifesta causa supervenit, dicens: „lumborum dolor nulla ex „causa manifesta crebro revertens, signum „est morbi terrifici.” En verba summi Baglivii: „In lumbis aliquando afficitur „musculus psoas, quandoque ren; muscu- „li externi, & frequenter mesenterium, „hunc lumborum dolorem vitio mesenterii „in aere Romano in ægris alinæ urbis fre- „quentem, & valde familiarem observavi. „In hac urbe nulli morbi tam copiose reg- „nant, quam morbi mesenterii ex reple- „tione, congestioneque putris cacochiliæ, „crudorunque humorum in ejusdem glan- „dulis pendentes; & quoniam mesente- „rium forti ligamento alligatur lumbis in „medio eorum, nil mirum, si mesenterium „, af-

21.) Legi meretur Friderici Hoffmanni Dissertatione prudenti medicamentorum continuacione.—

„ affectum , lumborum morbos mentiatur.”
 Et paulo inferius : „Ex longa alvi suppressione,
 „ sione , vel alvo præter morem retardata ,
 „ ex sapore linguae mutato , levi inappetentia ,
 „ gravitate totius corporis , quando certior redditus sum dolorem lumborum
 „ a repletione mesenterii pendere , clysteribus , & fomentationibus ventris , curatorem incipio , deinde purgantibus absolvo , ita paucos post dies dolorem aufero ; dolorem quidem non lumborum , sed vere mesentericum , quod velim ut semper præ oculis habeant medici , ne decipiuntur.” Vid. praxeos medicæ liber. I.

HISTORIA XIX.

Aſcites.

Vir 52 annorum ante sex menses tertia vice hydrope correptus fuit , intumuerunt pedes ; urinæ parciores , crassæ , turbidæ cum sedimento puriformi ; intumuit scrotum & venter in magnam crevit molem , sic nosocomium petiit , exhibens pulsus febrilem , ascitam formatum , corpus macie tenuatum , sudoresque nocturnos. Causam hujus mali ab habitaculo humido derivat. Cum adeo jam proiectus sit morbus , in paracenthesi sola adhucdum malorum levamen sperandum

est ; hinc facta fuit , aquæ viridescentes ad 35 libras effluxere ; altero die melius se habuit , barborygmata multa ; detumuit post abdominis paracenthalis scrotum , sed obscura adhucdum latet fluctuatio in ventre , urinæ parcæ , debilitas magna , pulsus celeres ; præscriptum fuit :

Rx. Decoct. cortic. peruv. unc. novem , oxymel. squilitic. unc. unam , omni bihor. vasculum medium.

3to die ; cutis sicca pargamenæ ad instar (symptoma , quod illustr. noster Frankius valde opere damnat in hydrope) , cætera uti heri. Medicina hesterna.

4to & 5to die augetur ventris moles ; medicina eadem.

6to dolores vagi , nunc ad costas spuriæ nunc ad abdomen ; nova aquarum collectio in ventre , urina admodum parca , tentata fuit herba digitalis purpurea :

Rx. herb. digital. purpur. gr. I. sachar. alb. scrup. unum. misce fiat pulv. mane ac vesperi talis dosis.

7mo urinæ paulisper auctæ ; dosis herbæ digitalis ad granum unum & dimidium.

8vo crescit abdomen, urinæ parcæ ; dosis digitalis ad grana duo.

9no iusigne aquarum incrementum in ventre, urina pauca ; conqueritur de visus obnubilatione & ardore faucium ; utraque hæc symptomata digitali herbæ imputanda sunt, hinc hoc remedium sepositum fuit, & loco illius accepit sequentem mixturam :

R. gum. amoniac. drachmas duas, oxy-
mel. simpl. q. s. ut solvantur ;
adde

pulp. squillæ marinæ recent. gran.
XV. liquor. anodyn. mineral. Hoff-
mann. gutt. XV.

D. S.

Omni bihor. duo cochlearia,

10mo die ; ter alvum depositum, con-
tinuanda mixtura.

11mo die ; cutis sub poplite disrupta
est noctis tempore, prodiere aquæ multæ ;
medicina hesterna.

12mo. Anasarca scroti & penis, ita ut
fere

mingere nequeat æger , magna est ventris moles ; iterum ad paracenthesin consugit illustr. Frankius & mixtura cum liquore anodyno Hoffmann. contra lypothomias prescripsit. Eductæ fuerunt 44 librae aquarum. Levamen persensit æger. —

13to. Dolores ventris , pulsus exiles ; cataplasma emollientia & mixtura antispatistica.

14to. Debilitas summa , hinc inde jam fatalis ille singultus. Sic symptomata lethifera de die in diem increverunt ; lenia deliria , singultus frequentes , dolores ventris multi , facies hippocratica ; ante mortem autem dolores remiserunt & mens rediit ; sic 23tia die postquam ad nos venit , miseram efflavit animam.

Cadaver exhibuit , omnia intestina gangrena correpta & inter se concreta ; nec non & pseudo membrana totam hepatis superficiem obtegit — ob fetorem enormous anatomicae disquisitiones ulterius persequi nequivimus.

HISTORIA XX.

Peripneumonia cum febri nervosa.

Mulier 29 annorum, bene nutrita, ante tres annos hæmoptoe gravi per undecim hebdomadas durante, laboravit; viginti sex venæ sectionibus & cætera methodo antiphlogistica, morti erepta fuit. Infœcta est febris intermittens tertiana, cortice peruviano perfecte fugata. Anno elapso rediens tertiana, iterum præclaro febrifugo devicta fuit. Sana ab hoc tempore vixit, donec ante octo dies correpta fuerit colico dolore mox evanescente & in pulmonibus sedem figente; oborta est oppressio magna in pectori cum multis sputis cruentis & sapore dulci, antequam prodierint; alternarunt cum frigore calores, & semper exacerbationes vesperam versus; sic nosocomium petiit, ibideinque venæ sectionibus multis & methodo antiphlogistica tractata fuit absque levamine. Sanguis nunquam in hac ægrotâ crustam exhibuit lardaceam, sed potius solutus apparuit.— Sic 20mo Junii ad nostram scholam practicam delata fuit, ubi sequentia symptomata obtulit: respiratio est anxia, dolor punctorius in latere dextro, in sinistrum latus obtusissim multam, vehementem, dolorificam, se convertere nequit; prodeunt sputa multa san-

gui-

guinea & verba ob spiritum præclusum interrupta; facies est inflata, rubra & oris sapor dulcis. Vires prostratæ jacent, dedolatio artuum summa, pulsus celeres, parvi, debiles; ludunt admodum tendines atque cutis urit. Nemo non vidit, pulmones in hac ægrotia valde opere affectas esse; sed quia vires, pulsuum ratio atque cætera symptomata pro nervosæ febris indole dimicant, illustris noster Frankius, non habito respectu ad sputa cruenta dolorem pungentem atque magnum pectoris angorem, mox ad decoctum corticis cum infuso polygal. senek, confugit; clysmæ emolliens.

Vesperi. Exacerbatio magna, spiritus admodum celer & brevis. Pulveres ex moschi grano uno & dimidio cum sachar scrup. un. omni bihor. 1, ordinati fuerunt. Insistendum simul in corticis cum polygala decocto.

21mo Junii. Nox insomnis, hodie oppressio magna, ejulat multum & anxium ducit spiritum, nunc dolor punctorius in lævo latere, subsiliunt frequenter tendines, pulsus irregulares, & responsio admodum brevis. Pulveres ex moschi gran. tribus cum sachar. scrup, uno omni bihorio. Continuandum cum decoct. corticis; vesicans ut rubefaciens ad latus sinistrum. Vesperi pulsus paululum ele-

vati , pulmones autem summopere obruti ; pulveres moschi ad gran. sex , & dosis polygal. aucta ad drach. tres in decocto corticis. Vesicans ad latus dextrum.

22do Junii. Remisit dolor post vesicans ; dormivit per aliquot horas ; nunc subsultus tendinum minus numerosi , non adeo celer est pulsus , nam prima vice hodie numerari potest , & elevatior est hesterno. Respiratio autem est læsa , & sputa multo cum sanguine mixta. Tremunt superiora labia. — Continandum in omnibus. Vesperi vesicans ad latus sinistrum ob dolorem punctionis ; in cæteris insistendum.

23to Junii. Fere per totam noctem quiete dormivit , tussis nunc mitior , punctionis dolor , sine tussi non amplius adest , decubitus in sinistrum latus facilior ; pulsus autem adhucdum irregulares , & respirationis opus difficile , sputa sanguinolenta. Medicina eadem. Vesperi. Respiratio levior , sputa non adeo tiueta ; concessum fuit ægræ vinum.

24to Junii. Recruduit dolor punctionis in latere sinistro ; accusat calorem internum , abdomenque paulisper dolet , sudor profusus per totam noctem , sensus dulcedinis in ore , pulsus exiles , manuum tremores & tendinum subsultus ; exhibitum fuit : decoct. cort. nnc.

novem, camphor. drach. dimid. syrup. simplic. unc. una. Omni bihorio vasculum. Dein moschi gran. sex, sachar. scrup. unum, m. f. pulv. pro dosi. Omni bihorio. Vesicans ad pectus, somenta emollientia & enema. Vesperi elvum non depositum, continuat abdominis dolor, symptomata peripneumoniae paulisper remiserunt, sapor oris ad amarum potius accedit. — Enema repetendum in cæteris continuandum.

25 Junii. Sputa pauca sanguinolenta, somnus bonus, peripneumonia non adeo urget, tussis rara; pulsus autem debiles. Continuandum in omnibus, præter quod pulveres moschi omni trihorio sint porrigendi. Vesperi exacerbatio manifesta, dolor ad hepatis regionem usque extensus. Repetatur medicina & vesicans ad hepaticam regionem.

26 Junii. Somnus inquietus, dolor in dextro latere multus, tussis crebra, cephalæa, pulsus exiles. Ordinatum fuit, decoct. corticis saturat. unc. novem, liquor. anodyn. Hoffmann. drach. una; Pulveres ex mosch. grani. sex cum sachar. scrup. uno. dein enema ex decoct. cort. saturat. unc. sex; camphor. mucilag. subact. drach. una. Linimentum volatile ad hepaticam regionem & ad dextrum latus. Vesperi. Manifesta remissio. —

27mo. Junii. Perdurat symptomatum remissio; in omnibus ergo continuandum. Recruduerunt vesperi autem omnia symptomata, & nox insecura inquieta.

28vo Junii mane bene habuit, methodus medendi eadem. Vesperi aliqua exacerbatio. Somnus autem bonus.

29no Junii. Mane bene se habet. Ægra pertæsa curæ nosocomium deseruit, nulla amplius medicamenta adhibuit, & paulo post pinguem vidi hanc fœminam, integra fruentem valetudine.

En iterum magnum exemplum! Hæc fœmina dira laboravit peripneumonia, symptomata culmen ascenderunt! oppressio pectoris magna, sputa cruenta multa, dolores punctorii in dextero sinistroque latere vehementes, tussis crebra, rubor faciei intensus, nec non & ante tres annos hoc morbo afflita, multis venæ sectionibus restituta fuit; attamen ob febrim nervosam, quæ hoc malum comitata est, egregius noster Frankius methodum roborantem stimulantemque arripuit, & brevi hæc mulier ex orci saucibus erepta fuit. Jam Baglivius dixit; „Plura, „quæ captum nostrum superant, contem- „nenda non sunt, sed sapientiæ pars erit, „dum

„ dum variam illorum naturam per ratiocinaria attingere non possumus ; effectus saltem exterius apparentes diligenter notare , & exinde præcepta ad proxim determinare.” 22.)

HISTORIA XXI.

Febris tertiana simplex.

Puella constanti gaudens sanitate Hungariam petuit , ibidem febri laboravit intermitenti , venam sibi secari jussit proprio marte , febris vehementior ; cortice denique fugata ; sana postea vixit , donec saltando nimis caleficerit corpus ; febris oborta , venam aperuit chirurgus , rediit febris intermittens ; sub solventium usu insultus fortiores reddebatur , jam adfuit œdema pedum ; cortex iterum febrim jugulavit , sed puella metuens œdema pedum , idque cortici imputans , hoc medicamentum rejicit . Recruduit intermittens febris & in tertianam duplicem mutata . — Nunc faciem præ se ferens cachecticam , pedes tumentes , atque tumorem magnum in liene , auxilium in schola practica 19no Junii quæsivit . Viget appetitus ; attamen non desunt vomituritiones .

Mox

Mox illustr. Frankius diagnosis formavit : esse febrim intermittentem simplicem , & quamquam tumor lienis nobis suspicionem de infarctu relinquat , attamen non raro hoc a febri ipsa oriri posse nemini non notum est ; hinc Rx. decoct. corticis saturat. uuc. novem , pulver. cort. drach. tres , aquæ cinamom. unc. duas , omni bihorio vasculum. Diæta quarta.

20. Junii. Oppressionem ventriculi accusat , jam nimis debilis est ventriculus ad perferendum corticem in substantia ; ergo nil quam decoct. cort. saturat. porrectum fuit cum liquor. anodyn. mineral. drach. dimid. omisso pulvere corticis.

21mo Junii. Insultus non rediit ; non evanuit ventriculi oppressio , tumet magnope re lien , decoct. cort. simplex. Linimentum volatile ad latus tumens. Decoct. resolvens pro potu.

22do Junii. Nec vestigium paroxysmi , oppressio nulla , dolet paulisper lien attachu, alvus naturalis. Continuandum in omnibus.

23tio Junii. Disparuit pedum œdema , febris vestigia nulla , detumescit manifeste lien , viget appetitus , urinæ multæ (lotii magna copia semper bonum promittit exitum in intermittentibus). Continuandum in omnibus.

24to Junii. Lien quidem prægrandis est (quod forsitan in vita perdurabit), attamen non adeo tumet, & attactum jam optime fert. Cum ergo febris penitus cessaverit, non amplius in febrisfugi usu insistendum est; videndum tamen an non antispastica cum extracto taraxaci, aliquid in tumorem agant. Hinc mixtura ex aqua menthæ cum extracti taraxac. unc. una, & liquor ano-dyn. scrup. duobus præscripta fuit.

25to Junii. Bene se habet, sana, nec non & lienis volumen de die in diem inminuitur. Sic **26to** & **27mo** & **28vo** curata a febri, nosocomium reliquit. Postea sanam hanc puellam vidi.

Plura habuimus exempla, ubi cum febri intermitente pertinaci, tumorem alicujus visceris in nosocomium attulere, & sub usu corticis non solum cito febris cessavit, sed etiam tumores pro maxima parte disparuerunt; idem illustr. Stoerkius in anno medico contendit; „Vidi, dicit egregius vir, pluribus „, vicibus non tantum febrem fugatam, sed „, & continuato usu corticis peruviani, omne in tumorem esse dispulsum;” & Burserius in tractatu de febribus intermittentibus §. CX-XXII. „Non ergo audiendi sunt imperiti „, quidam homines, qui multis de causis præ-

„ stantissimum hocce remedium criminantur, ne-
 „ que fides habenda vituperationibus quorum-
 „ dain medicorum, qui ex præconceptis opi-
 „ nionibus de eo judicium tulerunt.” Et
 paulo inferius. „Non obstruktiones, non
 „ infarctus progignit, & si qui a febri ip-
 „ sa in primis diurniori geniti fuerunt, eos
 „ paullatim resolvit & referat.”—

HISTORIA XXII.

Febris nervosa stupida.

Fœmina 28 annorum, sere semper fana, ante sex dies absque data causa horrore obruta fuit, infecutus calor atque artuum dolores, mox autem evanuit insultus, melius se habuit, nox bona. 2dō die iterum horror, cephalea, sitis, calor, matutino tempore; omnia hæc symptomata evanuerunt versus meridiem, surrexit; nocte, subsecutus largus sudor. 3tio die, redierunt hesterna symptomata, & per totum diem durarunt. 4to die, omnia in statu hesterno, accesserunt & vertigo & lypothomiae, dum sese in lecto erigere vellet. Exacerbatio vespertina manifesta. 5to die ad clinicum delata exhibuit: cephalalgiam, aurium susurrum, dedolationem artuum, amaritatem oris, ructus inanes, vomitnritiones & linguam mucosam. Abdomen est mol-

le & respiratio facilis. Sed dolor magnus in
spina dorsi — pulsus celeres, molles cum
tendinum lusu. Cum manifeste morbus sit in-
dolis nervosæ, decoct. cortic. unc. novem
præscriptum fuit. Vesperi calores aucti fuere,
pulsus magis elevati, atque lingua sicca; ab-
sente Professore adjectus fuit scrupulus cam-
phoræ decocto cortic., & enema ex decoct.
cort. cum camphor. drach. una, porrectum
fuit. —

6to morbi die. Nox inquieta, delira-
vit per vices, inscia alvum in lecto depositum,
dolor ad os sacrum, qui sepe ad abdomen
extendit, attactum respuens, calor urens,
pulsus tensus & sat fortis; rejicit illustr.
Frankius medicinam heri vesperi præscriptam,
dicens, abstinentiam esse a nimio stimulo in
fœmina admodum irritabili; decoct. cort.
simpl. cum mucilag. gummi arabic. ordinavit,
nec non & clysma emolliens. Vesperi pro-
diit fluxus menstrualis (en confirmata verba
divini Senis: lumborum dolor sine causa ve-
niens, hæmorrhoidum vel mensium signum
est) & quidem octo dies ante solitum tempus
(tales hæmorrhagias in febri nervosa illustr.
noster Professor non amat, & jam hoc anno
fluxum menstrualem in hac febre sinistro cum
eventu prodire vidimus); evanuit lumborum
dolor, pulsus inconstantes. Medicina eadem
&

& duo vesicantia ut rubefacientia ad suras. Versus horam decimam, pejus se habuit, & respiratio paulisper anxia fuit. Iterum absente Professore, camphoræ scrup. unus decocto corticis adjectus fuit & vesicans ad pectus. Nox infecuta admodum inquieta; sanguis magno cum vigore, magna copia erupit ex utero; (an non stimulantium vi?) Sndores multi.

7mo morbi die. Dolor lumborum auctus, venter quoque dolet, attactumque fugit, respiratio angusta, tinniunt aures, summa pulsuum inconstantia, tumet venter; urina sanguine multo (menstruali fluxu) repleta; de calore magno interno conqueritur misera, lingua est lignea sudorque viscidus undique emanat. Rejecit iterum egregius vir medicinam, heri hora decima præscriptam, annexens: camphoram hic nimis sudorem promovere, (an non quoque menstrua?) & decoct. cort. simpl. cum guttis decem tinetur. anodyn. propinavit. Clyster emolliens: Vesperi. Exacerbatio levis, detumuit venter; ter alvum depositus; continuatum fuit in matutinis remediis; nox infecuta quieta. —

8vo morbi die. Levis mador obtigit corporis superficiem, cephalea nulla, nec aurium susurrus; sed lingua lignea, sitis

magna , meteorismi species adest , nam percussum resonat abdomen , pulsus diffluunt sub digitis , tendines ludunt , tumorque cum erysipelaceo rubore tam ad brachium quam ad nasum obortus est , sanguis exigua quantitate ex utero effluit ; continuatur quidem decoct. cort. peruv. , sed adjecta fuit drach. una liquor. anodyn.

Vesperi exacerbatio manifesta ; prostratae jacent vires vitales , pulsus admodum debiles , symptomata matutina urgent , atque calor urens. Hinc absente Professore decoct. cortic. saturat. cum viginti guttis tintetur. thebaicæ porrectum est , clyster ex decoct. cort. saturat. cum camphor. drach. una. Nec non omni bihorio accepit , pulveres ex moschi gr. tribus cum sachari scrup. uno. Infecuta est infeliciSSima atque novissima nox , deliria continua ; spiritus angustus cum multis suspiriis , & sanguis ex utero sub minimo motu magna vi ruit , undique lividae apparent petechiae , tumores autem erysipelacei evanuerunt. —

9no morbi die. Miserrima est respiratio , facies hippocratica , frigent manus pedesque , & sub quocumque motu , sanguis ex utero proficit ; sumfit adhucdum medicinam , sed hora undecima , e vivis decessit.—

Ca-

Cadaver ob maximam in putredinem proclivitatem, aperire nequivimus. —

Attenta observatio juvantium & nocentium docet, hoc in casu, quamquam manifesta adfuerit jam a morbi initio debilitas, stimulantia tamen non profusile, quin etiam illis imputanda sit fatalis hæmorrhagia uterina quæ pessimum dedit vires omnes, morbumque (quod ab initio non fuit) pessimæ reddidit indolis; ideo illustr. Frankius nullius systemati addictus, bis rejecit stimulantia vesperi porrecta, ob nimiam irritabilitatem hujus ægrotantis. — Multoties vidi egregium virum vespertino tempore ad lectulos accedentem, ubi calorem auctum totumque nervosum systema irritatum deprehendit, mox seposuit omnia stimulantia & ad emulsa atque enemata confugit, quæ placidum conciliarunt somnum. Huxhamius magnum Sydenhamum taxans, quod nimium in omnibus febribus, & in ipsa peste methodum antiphlogisticam commendaverit, sequentia verba subnequit: „Procul dubio occurunt febres, quæ aliquo modo plura, quam lanceolam, cerevisiam secundariam & purgans requirunt & paulo inferius: „Meræ vero evacuationes & frigida aquosa diluentia, non cuilibet constitutio ni & omnibus febribus conducunt. — Ast, dum vitamus vitia, plerumque contraria

„ committimus , & assumpta sententia , al-
 „ terum aliquando ita instagare potest , ut
 „ fere flaminulam extinguat vitalem , atque
 „ alterum , ut machinam incendat , ne dele-
 „ terio miasmati in illa concedatur locus.
 „ 23.) — ”

HISTORIA XXIII.

Hæmorrhægia uteri post abortum , cum febri nervosa.

Fœmina , sana cæteroquin , duos exclu-
 sit utero infantes , & sæpe abortum perpessa
 est ; menstrualis fluxus non rite procedit . An-
 te septem dies , gravida in qnarto mense ,
 prægressa ira magna , cephaleda supervenit ,
 sanguis dein grumosus ex utero effluxit , al-
 tero die ad latrinam sedens , sine prægresso
 dolore , sine nixu , fœtum membranis ad-
 hucdum involutum amisit , nulla subsecuta est
 hæmorrhagia , & per duos dies fere sana vi-
 xit . Nocte autem sequente , absque insigni
 dolore , sanguis uno proruebat impetu , flui-
 dus primum , mox autem grumosus , & tali
 copia , ut quasi in lecto nataret ; medicus alte-
 ro die vocatus medicinam porrexit , qua pa-
 rum-

rumper mitigata fuit hæmorrhagia. Primo autem mensis Julii, cum non siluerit fluxus sanguineus, nosocomium petiit & 2do Julii, morbi 7mo, publice examinata exhibuit: faciem exsanguem, labia insolito more pallida, respirationem liberam, ventris dolorem nullum, cephalalgiam, præcipue dolor supra orbitas urget — pulsus sunt duri, tensi, vibrantes parumper, sanguis parce emanat. Cum debilitas totius corporis, facies pallida, hæmorrhagia ipsa, de summa debilitate testentur, non habito respectu ad pulsuum duritiem, illustr. Frankius decoct. cort. unc novem mucilag. gummi arab. unc. unam cum dimid. & syrup. unc. unam præscripsit. Diæta tenuis, cum non appetat.

3tia Julii. Hæmorrhagia aucta, sed sensim sensimque non uno impetu prodit cruor, pulsus duri tensi, uti heri. Medicina eadem.

4to Julii. Exacerbatio vespertina heri advenit; insecura est nox non placida, sanguis tamen parcior atque pulsus non adeo tensi durique. Continuatum fuit in medicina.

5to Julii. Dolor ventris in latere sinistro, stillat cruor per uterus, pulsus hesternis duiores. (duritiem hanc illustr. noster Professor a nimia irritabilitate cordis depromit, quo fit,

fit, ut sanguis majori cum vigore in arterias intrudatur.) Continuantur medicamenta roborantia & diæta quarta.

6^{to} Julii. Calor corporis naturalis, somnus quietus, dolor nullus, pulsus duritiem deperdit. Insistendum in methodo medendi.

7^{mo} Julii. Stillicidium sanguinis quoque cessat; crescit appetitus, nulla exacerbatio vespertina. Remedia eadem.

8^{vo} Julii. Facies hilarior, crux non amplius conspicitur, pulsus naturales; decoct. cortic. omni bñhorio.

9^{no} & 10^{mo} Julii eadem indicatio nam bene se habet.

11^{mo} Julii. Jam surgit, fames urget, nec guttam amplius sanguinis deperdit. Medicina ut heri,

12^{mo} Julii. Domum petituræ ad recuperandum pristinum robur exhibiti fuerunt pulveres ex drach. dimid. corticis, ut ter die unum sumat; accepit sexdecim tales doses, —

Vidimus egregium effectum corticis peruviani in hac hæmorrhagia a debilitate ; cortex hic non ut adstringens sed ut roborans ab illustr. nostro Professore adhibitus fuit , idem de hoc remedio sentit clariss. Whyte 24. Mirati sumus iterum sagacitatem celeberrimi viri , qui adspectu habituque ægrotantis & febris symptomatibus ductus , quamquam pulsus tetigerit durum tensumque , tamen pronunciavit debilitatem hic subesse , audacter corticem adhibuit , & en ! sub usu roborantium remediorum pulsus duritiem deperderunt , (quia morbosa illa sensibilitas sublata fuit) cessavit hæmorrhagia & vires incrementum ceperunt. Quamquam nil novi sit , roborantia unice conducere in hæmorrhagiis a debilitate 25) , attamen juvat talia exempla dilig-

24) „ The bark , which is more remarkable for „ its strengthening than adstringent quality , „ seems to be less adapted for stopping ha- „ morrhags , than for restoring strength to tho- „ se , who have been reduced by them. „ Whytes Observations on the nature causes and cure of nervons , hypochondriac and hysterick disorders. Edinburg second edit. pag. 401.

25) Tralles de hæmorrhagia uterina a debilitate , agens , dicit : „ repetita experientia didici , pul- „ chra præstare remedium Ludovici Septallii , „ decoct. cort. aurant. subvirid. , qui id , no- „ tante Riverio , extinctione chalybis fortius „ reddere solebat. Commandant illud etiam Frid.

genter adnotare , cum maxima pars medico-
rum non audeant in hæmorrhagiis , ad robo-
rantia confugere , medium quasi tenent viam ,
& sic terendo tempus , pessimumtantur ægrotan-
tis vires , dum hæmorrhagia perseverat , &
fundamenta ad futurum hydropem collocat ! —
Si autem pulsum insuper durum deprehendunt ,
statim exclamant , hic inflammationem latere ,
ad venæ sectiones properant , & jure meren-
tur , quod de his Frid. Hoffmannus in egræ-
gia Dissertatione de salutari & noxio venæ
sectionis usu , dicit : „multi proh ! dolor , sunt ,
„ qui omnium fere morborum ortum & causas a
„ nimis sanguinis abundantia deducunt atque de-
„ rivant , eaque propter liberales nimium sunt
„ in sanguine profundendo , ac in omnibus tan-
„ tum non morbis , venam secandam esse
„ præcipiunt , prætereaque sciunt fere nil.”

Co-

„ Hoffmannus & Astruc ; meminique bene ,
„ mihi id olim ut arcanum laudasse celeb. nos-
„ trum de Helwich . „ Virtutem hujus decocti
ab interna fungosa atque alba substantia cor-
ticum aurantiorum , optimus vir , deri vat , quam ,
cre lit , adstrin entem possit eire virtutem .
Sed agit ut stimulans , ut roborans , quemad-
modum cort. peruv. & alia roborantia . Nil
inest specifici . — Vid. Tralles de usu opii part.
II^e pag 55.

COROLLARIUM XIII.

Iterus.

Juvenis ad nos cum intenso venit i^ctero , causam hujus morbi ignorans ; exhibita fuit , absente Professore, mixtura : ex aqua menth. extract. taraxac. & liquore anodyn ; altero die cum adfuerint nauseæ , vomituritiones , appetitus deletus atque sapor amarus , illustr. Frankius tinctur. rhei cum sale amaro adhibuit. Ni- mis inde purgatus fuit æger , & pulsus nunc naturalibus celeriores; tamen ergo ne nimis hisce remediis debilitetur æger , ad pristinam rediit mixturam , & post dies quindecim omnia symptomata præter flavedinem evanuerunt , sanusque nosocomiū deseruit.

Cum hic juvenis jam integre restitutus adhucdum flavum præ se tulerit colorem , di- xit illustr. Frankius : „ubi i^cteri causa sub- „ lata est , nondum cessat effectus , tempus- „ que requiritur , ut bilis effusa in sangu- „ nis massam , iterum resorberi queat.” Vi- dendum ergo , subnec^tit vir egregius „non „ omnino humores ex pathologia excludendos „ esse , & quamquam olim peccaverint , „ duin omnem somitem morborum ex fluida „ machinæ humanæ parte derivarint , attamen „ doctrina , quæ contrarium docet , non „ mi-

,, minus fallax est ; hinc caput , ubi Brownius
 ,, de symptomatibus agit , . nullius est mo-
 ,, menti." —

C O R O L L A R I U M XIV.

Febris nervosa stupida.

Puer ad nos , tertio morbi die cum terribilibus febris putridæ symptomatibus , dela-
 tus fuit ; cephalea ; aurum fusurrus , caput temulentum , somnolentia , oculi lacryman-
 tes , virium prostratio summa , calor urens ,
 pulsus molles parvi vix numerandi , tendi-
 num subsultus , cutis sicca arida , petechiæ ;
 multa quoque adfuerunt signa gastrica , lin-
 gua flava , ructus , dolor ad cardiam , ab-
 doinen inflatum , meteorismus , diarrhæa ;
 huic febri opposita fuerunt decocta cort. pe-
 ruv. saturata cum camphora , ob tendinum
 lusus pulveres ex moschi gran. tribus cum sa-
 charo ; ad meteorismum diarrhæamque su-
 gandam , Tinctur. anodyn. adhibita fuit ; nec
 non & vesicantia multa ut rubefacientia &
 balnea tepida in usum vocata fuerunt ; sic
 puer , ex periculosisimo morbo , spatio
 13 dierum ex integro restitutus fuit ; eva-
 nuerunt sub usu horum remediorum omnia
 signa sic dicta gastrica. — Puer adhucdum
 apud nos hærere coactus fuit ob tineam ,
 qua

qua jam ante hunc morbum laboravit; applicata fuerunt cataplasmata emollientia ad crustas abigendas, hoc facto, inspersus fuit pulvis ex mercurio præcipitato rubro & sic pro hic & nunc malum debellatum fuit. Nec non hoc anno ter quaterve scabiem fugavimus cum inunctione unguenti Werlhoffii. i. e. Rx. axung, porcini. unc. unam, mercurii præcipit. alb. drach. unam m. f. unguent., & balneis tepidis cum hepate sulphuris. Nunquam sub usq; hujus unguenti, salivationis vestigia apparere vidimus.

COROLARIUM XV.

Urticaria.

Juvenis hoc exanthemate affectus ad nos venit, vix febricitavit, præter haustum nostrum salinum nil sumvit, per cubiculum ambulavit, & nullum symptoma alicujus momenti obtulit, si urinam excipias, quæ ab initio morbi subnigra fuit, & solummodo sensim sensimque morbi decursu. pristinum recuperavit colorem,

COROLLARIUM XVI.

Febris nervosa stupida.

Juvenis 22 annorum integra antea fruebatur sanitate , donec mense Junii , sine prægressis prodromis , inopinata febrili insultu fuerit correptus , advenerunt & vertigo , aurium tinnitus , pruritus oculorum , lucis intolerantia , lingua subsicca , appetitus prostratus , oppressio ad ventriculum , tussis , sputa cum striis cruentis , dolores sub sterno , respiratio non libera , alvus clausa , & sudor multus nocturnis temporibus. Domi salem amarum sumsit , malum indies auëtum ; quia olim hæmorrhagiæ narium adsuetus fuit & cephalea nunc urgebat , ad phlebotomiam confagit ; sed vires inde decreverunt , & cum signis magnæ debilitatis ad nos venit ; cutis iam petechiis deturpata. Porrectum fuit corticis decoct. cum polygal. senek. infuso ; nec non multa vesicantia ut rubefacientia , & sic spatio 14 dierum ad pristinam rediit salutem ; hæmorrhagia narium , quæ sæpe sub morbi decursu recurrat , magnum attulit levamen , semper inde caput liberius factum fuit ; ita ut non omnes hæmorrhagiæ in febribus nervosis , adeo damnandæ sint. —

Respuuit hic juvenis decocta , ideo nil quam

quam aquam bibt, quod etiam illustr. Fran-
kius, decocta non multum amans, lubenter
ei conceslit.

COROLLARIUM XVII.

Febris intermittens tertiana duplex.

Juvenis aliquos febriiles insultus perpeccus
cum apyrexia plenaria inter, scholam prac-
ticam petiit, exhibens lienis tumorem & lin-
guam albam; cum nec signa gastrica nec in-
flammatoria adfuerint, statim ad corticem
in substantia confugimus, accepit unc. unam
pulveris cort. peruv. in quatuor partes divi-
sam, omni bihorio talem pulverem. Post sum-
tam secundam dosin, jam vomuit (an non
ob nimiam quantitatem hujus remedii?); ter-
tia dosi assumpta, iterum vomitu rejecta, sepo-
sus fuit cortex — nox infecuta quieta. Al-
tero die præscribebatur Rx. aquæ fontis; cin-
namom. anna unc. duas, Tinctur. anodyn. gutt.
viginti quinque, omni $\frac{1}{4}$ horæ cochlear. Sopo-
rosus per diem quidem æger, sed febris non
rediit; dolendum ergo non perseveratum fuis-
se in usu hujus remedii, cum egregium exem-
plum debellatæ febris ab opio solo, præbuisset.
Vesperi absente illustr. Professore, decoct. cort.
cum tinctur. anodyn, præscriptum fuit; sic
etiam altero die, febris non reversa est; sed

ter-

tertio die æger multum de oppressione ventriculi conquerebatnr; nunc manifestum fuit, ægrum non perferre corticem; remoto ergo hoc medicamento, pristinam accepit mixturam cum opio. 5to die, detumuit lien, & per belle se habuit, viget appetitus, medicina nulla. 6to die, ut æger a recidivo præcaveatur, cortex iterum iu substantia ad drach. unam omni trihorio tentatus fuit. 7mo bene se habet, bene nunc perfert corticem, ideo domum redituro, adhuc unc. una in sex partes divisa, porrecta fuit. —

COROLLARIUM XVIII.

Febris tertiana.

Textor semper sanus, ante aliquot dies, absque sibi conscientia causa, horrore, calore & subsequente sudore, obrutus fuit; advenierunt sub insultu, amaror oris, nausea, lingua multo muco flavo obtecta & ructus invanies, quæ symptomata omnia, silente altero die paroxysmo, ex integro evanuerunt; 3tio autem die antecessit paroxysmus, simulque aderant symptomata gastrica. Medicus vocatus emeticum porrexit, & postea solventia; sed 5to die jam cum aurora rediit febris, continuatum in solventibus; 7mo die nocte jam reversus est (quod rarum) febrilis insultus; nunc nosocomium petiit, ubi statim unc. unam cortic.

in

in sex partes divisam accepit, omni bihorio dosin unam; 9no die iterum nocte febris ægrotantem infestavit, lingua est admodum spurca, perseveratum fuit cum cortice. Paroxysmus non amplius rediit, & spatio octo dierum sanus nosocomium deseruit. Ex inconstantia signorum gastrorum, subapyrexia penitus evanescentium, jure illustr. Frenkius conclusit, hanc linguæ spurcitiem orisque amarorem, potius effectum quam causam febris sistere; & re vera sub usu corticis, omnia hæc gastrica symptomata cum febri ipsa disparuere. — Interim tamen, ubi vera faburra gastrica hæret sub præcordiis, egregius vir uti alii, hanc cum solventibus expellit. Talem casum hoc anno in schola practica habuimus.

Multas aureas illustr. Frenkius nobis tradidit regulas, circa curam febrium intermittentium, inter quas primum certe locum tenet sequens; „ubi homines inacilentes coram habeamus, qui jam multos insultus febribus anomalos præcipue versus vesperam redeuntes & cortici non auscultantes perpessi sunt, semper metus instat, ne sub hisce intermittentibus, febris lenta tabifica latet, præcipue si simul tussis atque sudores res adsunt nocturni”. Hanc regulam non sat bene perspiciens, fateor, me hoc anno

gravem in prognosi commisisse errorem. Mulier gracilis, multo prædita ingenio, perpresso luctu moeroreque, ob amisum dilectum maritum, febri intermittente laborare incepit; medicus minus attentus ad causam prægressam, farraginem solventium, per duos integros menses adhibuit, febris pertinax delusit medicamenta, semperque insultum repetiit, matutino tempore hora undecima, cum frigore non magno, calore autem intenso, sine sudore, qui nocte fecutus est; interim macies obduxit artus, & tussis multa insomnes reddidit noctes. Alterò medico in concilium vocato, nondum ausus ob flavedinem linguae corticem porrige-re, extracta amaricantia cum rheo proposuit; cum autem insultus nunc bis in die redierint, me quoque vocarunt; sputa erant suspecta, macies summa, sudores nocturni, pulsus debiles celeriores naturalibus & nunquam apyrexia plenaria; attamen ad febrim respiciens, corticem in decocto suasi & anxiam non formavi prognosin. Tantum res incognita animos turbat. — Re vera cortex insultum vespertinum fugavit, mitioremque reddidit matutinum, sed cum penitus cessare non voluerit, corticem in substantia, decocto addidi, vomitu autem hunc ejecit, reversus ergo ad decoctum; contra tussim, multum profuit laudan. liquid. sydenhami, tranquilliores inde factæ fuere noctes.

In-

Incepit nunc ægra de anxietate circa præcordia conqueri , omittendus fuit cortex , insultus redierunt fortiores ; nunc iudicem morbi paulisper clarius perspiciens , omnia hæc remedia adhibui , quæ ab auctoribus contra tabem laudantur , sed vanum fuit desiderium , nam accedentibus crebris alvi dejectionibus , œdemeate pedum & omnibus illis terribilibus febris tabificæ symptomatibus , ægra mentis compos , post quatuor ab initio morbi menses , miseram efflayit animam. Ægra nunquam ad hunc morbum fuit disposita , ita ut merito hunc ex neglecta febri intermitente ab initio , derivare possimus.—

C O R O L L A R I U M XIX.

Ascites incipiens.

Juvenis clinicum petiit , sequentia narrans : se jam tertia vice correptum fuisse febri intermitente , sumisit varia a vulgo pro febri fugis habita , re vera siluit febris , sed nunc tumet venter & urinæ parce fluunt. Cum debilitas totius systematis nervosi adsuerit , illustr. Frankius corticem ad roborandum exhibuit , sed non bene tulit æger hoc medicamentum , urinæ inde parciores reddebantur , & de oppressione multa circum præcordia conquerebatur ; sepositus fuit cortex , & ad

urinam propellendam, porrexit noster Professor
cremorem tartari i. e. unc. unam in sex par-
tes divisam, omni bihorio dosin. Sumto hoc
medicamento, immensa copia urinæ quotidie
prodiit, disparuit omissis tumor; ut debili-
tati succurratur, cortex adhibitns fuit, quem
nunc perbelle pertulit æger; sic post tres
hebdomadas sanus ad suos rediit.

Plures habuimus ægrotantes, hoc anno,
hydropœ incipiente laborantes, quibus exi-
mie conduxit tremor tartari ad consilium
Menghini porrectus, mirum in modum inde
urina mota fuit, evanuit mox omissis tumor,
& vestigia hydropsis, hoc solo remedio, brevif-
fimo tempore fugata fuerunt. Thilenius qui-
dem hunc quoque effectum a potu Menghini
observavit, sed tunc præcipue, ubi febris cum
siti multa & urina parca, rubra, fœtida ad-
fuerit. 26.) Nos autem ægrotantes sine febre
& sine his symptomatibus a Thilenio adduc-
tis, solo cremore tartari perfecte restitutos vi-
dimus; immensa semper fuit lotii copia.
Puella ad nos venit, cum habitu leucophleg-
matico totius corporis & pedum œdemate,
menses inordinate fluxere. Morbo pro chlo-
rosi declarato — decoctum cortic. præscrip-
tu[m]

26.) Thilenius Medizinische chirurgische Bemerkun-
gen. Frankfurt am Main, pag. 166.

tum fuit. Malum indies crevit, inquietæ advenere noctes, ægra summis anxietatibus evigilata, magnam faucium constrictiōem persensit, urinæ parce fluxere; sed ob debilitatem pulsuum continuatum fuit in cortice; ægra omni nocte vexata, supplex evacuans postulabat dicens, se sumnum levamen semper inde habuisse; concessum fuit — accepit sal amarum cum manna, & tranquillior secuta est nox. Illustr. Frankius nunc ad alteram indicationem se convertens, nempe, ut urinæ propellantur, unc. unam cr̄mor. tartari in sex partes divisam præscripsit, ut sumat dosin omni bihorio. Jam post diem, incepit urina magna fluere copia; omni die 12 vel 14 vasa vitrea, quæ vocant (Seidlgläser), repleta fuerunt, & sic urinæ profluvium per octo duravit dies, concidit nunc omnis tumor, evanuit leucophlegmatia; apetitus viget, & nil remanet quam debellare debilitatem superstitem; contra quam usq; est cortice, quem perbelle nunc tulit, & sic, postquam per mensim apud nos hæserat, sana domum paternam revisit.

De proficuo usu cr̄moris tartari in hydrope loquitur quoque Casimir Medicus 27.)

I 2

H I-

HISTORIA XXIV.

Febris nervosa stupida.

Juvenis **24** annorum , robustus , tres annos abhinc siphiliticus , perfecte autem curatus. Ante novem menses peripneumonia laboravit , methodo antiphlogistica liberatus quidem a morbo , sed remanserunt sputa suspecta ad hunc usque diem , nec non dolores a lienio inchhoantes , & ad medium pectus fese extenderentes. — Positio in sinistrum latus ob lienis dolorem nequaquam perficienda. Paulo post , advenerunt ardor in mingendo (causam non fassus est) urina ruberrima , testiculorum dolor & tumor. Ope alicujus unguenti restitutus. Cum in loco paludoso degerit , febris intermittens obvenit , fugata cortice. Ultimo Maji hujus anni , dolores artuum supervenerunt , qui præcipue nocte fæviere , versus auroram autem pro maxima parte remiserent ; nec non & deglutitio difficilis facta est ; cum hæc symptomata ad quintum usque Junii perduraverint , clinicum petiit , exhibens dolorem lienis supra memoratum cum decubitu in hoc latus admodum impedito , respirationem non liberam , cum multis sputis puriformibus fundum in aqua potentibus ; tussim validam ; pulsus naturalibus celeriores ; ardorem urinæ , & dolores in lecti tempore admodum exacerbatos. Labem hic pulmonum subesse , ex

sig-

signis nobis oblatis, jure credidimus; sed quid dolores nocturni velint, an sint siphiliticæ indolis (cum æger constanter negaverit, se ad hunc morbum modo ansam dedisse), vel vero reumatici dolores, qui quoque non ratio noctis tempore incrementum capiunt, adhuc non sat determinatum fuit. Ægrum sine medicamentis reliquimus.

6to Junii ob debilitatem decoct. cortic. accepit. — 7mo sic continuandum.

8vo idem. 9no contra dolores nocturnos, summum culmen ascendentes, gran. dimidium opii vesperi porrectum est. 10mo vera mitigati fuerunt dolores, donec opii vis cessaverit. Repetitum fuit vesperi.

11mo dolor lienis recruduit. Medicina eadem.

12mo. Tussis per noctem, sputa multa puriformia, respiratio liberior; persistat artuum cruciatus. In decocto corticis continuandum, & opii gran. unum. vesperi. 13tio nox placida, pectus quiescit, nil quam gran. unum opii, vesperi. 14to Somnus doloribus interruptus, sputa suspecta, decoct. cortic. 15to cruciatus nocturni urgent, sputa multa; de lue nunc nascitur suspicio ob dol-

rum pertinaciam. Præscriptum fuit. Rx. Extract. cort. peruv. scrup. unum opii puri, mercurii dulcis anna gran. unum, fiat cum pulvere liquirit. & syr. bolus. Omni vesperi unum. Continuandum in decocto. cortic. Pro potu decoct. Bardanæ.

16to. Nox quieta, versus auroram sensus frigoris; in lecto degat, medicina continua.

17mo Sudor nocte, bene se habet. Continuandum. Hora nona matutina accessit de novo frigus, subsequente calore miti.

18vo. Nox placida, sputa minus suspecta. Insistendum in medicina. Versus meridiem rediit insultus febrilis, paulo post autem evanuit. Vesperi œdema pedum.

19no. Eadem medicina, nam dolores fere cessarunt; rediit versus horam primam pomeridianam febrilis insultus.

20mo. Mane nil novi, eadem medicina; sed versus secundam pomeridianam horam, subvenit iterum frigus, infecutus est calor, qui ad vesperam usque duravit, pulsus debiliores.

21mo

21mo. Dolores nulli , sed pulsus febri-
les molles , fitisⁱ valida , calor corporis auc-
tus , tussis vehemens præcipue auroram ver-
sus , sputa copiosa suspesta ; ad præcaven-
dum , ne hæc febris intermittens transeat in
continuam , cortex in substantia & quidem
unc. una in duodecim partes divisa , ordina-
ta fuit. Bolus seponendus.

22do. Nox quieta , ptyalismi minæ ,
continuatum in pulveribus. Vesperi salivatio
manifesta , febrilis insultus non rediit , su-
spensus fuit (absente Professore) pulvis ex
cortice.

23to Salivatio major , gingivæ admo-
dum dolent , tument calentque , nec non &
colli glandulæ in consensum trahuntur , va-
cillant dentes ; cataplasma emolliens ad col-
lum & ad glandulas salivales , decoctum
malvæ pro collutorio , & balneum tepidum.
Quibus omnibus usus est 24to 25to 26 &
27mo Junii sensim sensitique inminuta est sa-
livatio , febris nulla.

28vo Junii. Accessit odontalgia , dolent
præcipue dentes molares & gingivæ , ctuciatus-
que ad ossa tempora usque extenditur , nec non
& reliquæ ptyalismi urgent. Lac tepidum ad col-
lutionem oris præscribatur , & balneum tepi-
dum. Syb hac methodo medendi per 29. 30. 31

Junii & I. 2. 3. 4. Julii salivatio , gingivæ-
rum dolor , & odontalgia penitus cessarunt.
5to Julii. A meridie versus quartam frigus
ægrum invasit , subsecutus est calor intensus
sine sudore , sub frigore tussis multa , cum
sputis suspectis. Absente Professore præ-
scriptum fuit decoctum corticis. (Quare tam
empirice incedendum ? Quare non in causam
hujus febris inquirendum ? æger jam per tot
dies liber a febri , ab omni morbo fuit , &
denuo rediit insultus , ergo subesse debuerit
causa , quæ forsitan longa atque repetita per-
cunctione perscrutanda fuisset. Et re ve-
ra , post mortem hujus miseri æger vicinus
retulit : juvenem tempore convalescentiæ gu-
læ induluisse nimis , ultimoque die carnem mul-
tam aceto conditam devorasse , insuperque lac^t,
quod ei ad collutorium porrectum fuit , bibis-
se. Emeticum forfitan primo morbi die ægrum
ab orci faucibus eripuisset.—)

6to Julii. Continuatur decoctum corticis.
Versus vesperam rediit febrilis insultus vali-
dior hesterno. — Nox infecuta inquieta.

7mo Julii. Credit illustr. Frankius , hanc
febrim luem pro causa agnoscere. — —
Hinc bolos mercuriales præscripsit , qui illi
contra dolores conduxere.— Sed jam ante
prandium æger valido corripiebatur calore sine
prægresso frigore , cum cephalea valida , respira-
tio-

tione impedita , tussi inani laboriosa , sapore amaro , & appetitu deleto ; alvus octies mota , liquida , torminosa — abdomen est inflatum attamen molle , calor cutis ardens , pulsus frequentes , molles , facile comprimendi , urina valde tincta , dedolatio summa. Absente Professore , ordinatum fuit , decoct. cortic. unc. novem , pulver. cort. peruv. unc. dimid. aquæ cinnamom unc. una ; bolus mercurialis non exhibendus.

8vo Julii. Somnus turbatus , dolor capitis atrox , lingua impura , respiratio læsa , pulsus quidquam pleni , vibrantes ; alvus iterum octies mota cum borborygnis , appetitus deletus , halitus oris admodum fœtens. Errore nunc diætæ inculpato , accepit tinturam rhei aquosam ad unc. quatuor cum aquæ menthæ unc. duabus , omni bihorio cochlear , (quid precor , a cochlear. tintur. rhei omnī bihorio porrecto , exspectare possumus ?) diæta tenuis ; seposito corticis decocto . —

9no Julii. Somnus nullus , cephaea ad frontem præcipue , facies rubra , respiratio læsa , abdomen percussum resonat , lingua rubra , viscida — appetitus abactus , lassitudo summa , vertigo , dum sepe in lecto erigit , cutis sicca , petechiæ multæ in brachiis , tremores continui , alvus duodecies mota ,

virium magna jactura , nunc ab illustr. Frankio dictum fuit , ægrum hunc , febri nervosa a contagio laborare , cum diætæ error primam morbi ansam dederit. Præscriptum fuit decoct. cort. cum rad. serpent. drach. duabus infus. , & vinum. Vesperi diarrhæa fatalis urget , concidere vires ; laudani liquid. gutt. decem , decoct. cort. adjectæ sunt.

Iomo Julii. Nocte delirium , urina jumentosa. — Urgent hesterna symptomata , nec non & purpura inter petechias undique appareat. Medicina hesterna , duo vesicantia ad suras. Vesperi meteorismus ; cataplasma emollientia ad abdomen. —

imo Julii. Delirium ferox per totam noctem , e lecto desiliit furens æger , vicinosque infestavit ægrotantes ; cæterum hesterna symptomata , eadem medicina & duo vesicantia ut rubefacientia ad brachia.

Vesperi exacerbatio manifesta , vires admodum prostratæ , meteorismus ingens — fomenta ex herbis aromaticis ad abdomen , clysmata ex decocto cortic. cum camphor. drach. dimid. , duo vesicant. ad suras. Medicina eadem , uti manœ fuit,

13to Julii. Muffitatio nocte , vires fe-
re amissæ , pulsus exiles , respiratio infelix . — Exhibebantur decoct. cortic. saturati unc.
novem , liquor. anodyn. Hoffmann. drach.
una ; omni bihorio vasculum. Moschi op-
timi gran. tria , sachar. scrup. unus. om-
ni bihorio talis dosis ; duo vesicantia ut ru-
befacientia. Vesperi. Lingua tremula , me-
teorismus ; loco liquoris Hoffmanni ætherem
vitrioli accepit , cætera eadem ; sed sinapis-
mata cum pulvere cantharidum , unde for-
mata sunt varia cataplasma , ad varias cor-
poris partes applicanda. —

14to Julii. Omnia hesterna symptomata
vigent , æger interrogatus , quomodo se ha-
beat , bene respondet. Tremores undique ,
cutis arida , pulsus vix percipiendi ; medi-
cina hesterna & balneum tepidum. Vesperi
sudor viscidus obtegit superficiem corporis ,
cutis instar carbonum ignis urit , alvum qua-
ter inscius depositus ; eadem nocte circa ho-
ram undecimam periit. —

Sectio cadaveris.

Præter lienem prægrandem hepatis mo-
lem sere superantem , nil morbos detegere
potuimus , & quairquam æger jam ab hoc
tempore , quo peripneumonia ægrotaverit ,
attac-

attactum in lienis regione a longinquo fuge-
rit , attamen nullo vitio laboravit hoc vi-
cus. — Nec non & pulmones , in quibus non
sine ratione sufficiente labem suspicati sumus ,
propter angustam respirationem , oppressionem
pectoris , ussimque multam cum sputis pu-
riformibus , integri atque illæsi reperti sunt.—

Varios ægrotantes huc venerea laboran-
tes , hoc anno , illustr. vir tractavit. Ple-
rumque inunctiones mercuriales adhibuit , uni
autem ægrotanti vegeto atque robusto cum
ulceribus venereis , mercurium solubilem Hah-
nemannii porrexit , sed vix æger secundum
granum sumferit , cum jam oborta est hor-
renda salivatio & odontalgia magna , cum
multis emollientibus atque balneis vix fugan-
da. 28.) Dixit illustr. noster Professor : mer-
curium Hahnemannii ita ut cætera hydrargy-
rii præparata in aliquibus mox ptyalismum
producere ; quod etiam in magno nosocomio
Mediolanensi vidit , quamquam ab eruditis
chimicis perfecte præparatus fuerit. Attamen
non negat bonum esse remedium.

Testiculus tumens quoque nobis occurrit ;
adhibita fuerunt cataplasmata frigida , cum aqua
Goulardi ; nec non & lenia evacuantia , & sic
restitutus fuit æger. —

C O-

28.) Als Beytrag zu dem 5ten Stück in dem 1ten
Bande des Journals der Erfindungen &c.

COROLLARIUM XX.

Dysenteria cum febri inflammatoria.

Fine mensis Julii, juvenis torosus vegetus ad nos accesit, conquerens de crebro alvino fluxu cum doloribus ventris multis & tenesmo valido; pulsus erat fortis, paulisper vibrans, vires vigentes, rubuit facies atque calor corporis naturalem excessit. Febrim ergo inflammatoriæ indolis deprehendimus; sed cum non tanta fuerit, phlebotomiam non suscepimus, clysmata quoque ob nimiam intestinorum sensibilitatem rejecimus, & nil quam multa emollientia ore ingessimus; sub hac methodo brevi omnes intestinorum labores atque tenesinus molestus evanuere. Cum autem diarrhæa debilitans adhuc perduraverit, illustr. Frankius, decoct. ex corticis simarubæ drachmis duabus, in libra aquæ porrexit. — Jam altero die recruduere dolores; mox seponendum fuit hoc decoctum, & ad emollientia configiendum; horum usu per octo dies, dysenteria ex integro fugata fuit. Cum nunc & pulsuum conditio, & agrotantis habitus clare monstraverint, abactam esse omnem inflammatoriæ febris suspicionem, ad roboranum, decoctum corticis peruviani exhibitum est. Mox pristinam recuperans sanitatem, suos revisit.

HISTORIA XXIV.

Febris continua remittens nervosa.

Puella, ad lectulos duorum infantium febri putrida laborantium, ex quibus unus diem obiit supremum, officio custodis functa; post infelcis funus, multam carnem asperinam comedit, totam noctem saltando transagit & frigida haufit, æstuante corpore. Altero die jam adest, dedolatio magna, nausea, vomituritio, capitis dolor summus, atque febris multa. Chirurgus vocatus venam secuit & purgantia præscripsit; 3to die, malorum incrementum, clinicum petiit, exhibens: cephalalgiam magnam, aurium susurrum, oris amarorem, tendinum lusum, tremores & concussiones, pulsus debiles, atque summa anxiatem, ita ut nec per momentum quiete in lecto hæserit, faciemque mirum in modum contorserit; dūbia prognosi facta, præscriptum fuit: decoct. cortic. saturat. unc. novem, liquor. anodyn. Hoffmann. drach. un. Vesperi jam paulisper melius se habet, sed ardorem ventriculi accusat, decoct. cortic. simplex, sine liquor. Hoffmann. exhibebatur.

4to. Melius se habet, medicina continuanda. 5to, dolet paulisper abdomen, res in-

interim melius procedit, medicina eadem. Post meridiem, alvum copiosam depositum cum magno levamine. 6to. Bene se habet, continuandum.

7mo. Minæ reddituri paroxysmi adsunt, cortex ergo in substantia porrigenus, videntur an ferat, data sunt drach. dimidia prodosi, omni trihorio.

8vo. Optime se habet, fert pulveres, sic ergo insistendum.

9no. Oppressionem ventriculi persentit ægra, cæteroquin bene habet, medicina nulla.

10mo. Appetitus nondum redit. Insusum amarum.

11mo item. 12mo. Radix columbo ad drach. unam in quatuor partes divisa, præscrip- ta fuit ad appetitum revocandum; Sic 13to die morbi sana, appetitum si excipias, no- focomium deseruit.

Fateor me præcipitato nimis judicio, in- felicem in hac puella formasse prognosin, perterrefactus anxietate hac summa absque quisquiliis manifestis in primis viis, adeo ab auctoribus damnata, & quam aliquot ab hinc
men-

menses , lethali cum eventu in juvēne , cuius historiam memoravi supra , conspeximus . Cautius cum prognosi incedissem , si melius memor fuisset monitorum magni Switenii in Commentar . Tom . II . sic dicentis : „sum-
 „ main attentionem medicorum mereri , an-
 „ xietatem in morbo acuto , & severo exa-
 „ mine indagandum semper esse , quānam
 „ hujus symptomatis causa sit , attamen ,”
 „ annexit vir summus , „ omnium minime pe-
 „ riculosam esse illam anxietatis speciem , quæ
 „ a spasmo ob inordinatum spirituum motum
 „ fit , uti in hystericis & hypochondriacis to-
 „ ties observatur ” . —

HISTORIA XXVI.

Peripneumonia cum febri nervosa.

Mulier 30 annorum , decem prolium mater , semper sana vixit , abortum si ex-
 cipias , quem semel secundo graviditatis mense perpessa est . Vigesimo Julii gravida per quatuor menses , terrore magno atque ira valida commota , altero die e lecto surgere conanti , ablata fere fuit movendi vis , accesserunt dolores vehementes in coxa , nec non spiritus anxius atque præclusus , præcipue si ad latus dextrum sese convertere voluerit . Chirurgus vocatus venam tudit , & post

post aliquas horas tunsam iterum aperuit. — Vesperam versus , prægressis lumborum ossisque sacri doloribus , abortivum exclusi fœtum ; hæmorrhagia nulla subsecuta ; peri-pneumonix autem symptomata incrementum ceperunt.

3to morbi die, vesperam versus ad clinicum delata , in via jam fluxus uterinus prodit , qui apud nos continuavit.

4to die morbi . Perdurat hæmorrhagia (ut ægra dicit, aliquid placentæ in utero remansisse —). Facies hujus ægrotantis est collapsa , flava , lingua mucosa non sicca — spiritus præclusus , & in nullum latus ob suffocationis metum convertendi potestas ; sputa multa cum sanguine non recenti mixta , venter vel lenissimum attackum recusat , dolor ad spinam dorsi , vires prostratæ ja-cent , pulsus molles & inconstantes. Ut prospiciamus viribus labefactis , decoct. cortic. cum infus. polygal. senek. porrectum fuit , vesicans ad pectus , & cataplasma emolliens ad ventrem. Vesperi omnia in pejus ruunt , vacillant pulsus & ægra levamen respirationis in erecto situ quærit — prodeunt sputa puriformia flava admodum copiosa. Scrup. unus camphoræ ad decoct. cortic. adjectus fuit.

K

Nec

Nec non & tentamen institutum , ut for-
sitan pars placentæ relicta extrahi possit ;
spasmodica autem uteri contractio , omnem
impedivit explorationem.

5to morbi die. Quamquam & melius
ægra nunc ferat attackum ad centrum , quam-
quam & sputa multo cum levamine appa-
rente prodeant , attamen ob celerem diffici-
lemque respirationem cum scapulis magno
labore peragendam , indubitata mors prævi-
denda fuit. Interim repetita fuerunt hester-
na remedia , nec non & balneum tepidum
ordinatum.

Vesperi omnia in pejus , & nocte sub-
sequente auroram versus , prægressis deliriis
furiosis , a vita recessit.

Vidiimus hic confirmata veterum effa-
ta a Stollio iterum repetita , de aliquibus
symptomatibus loquens , quæ vana spe lu-
dunt medicos in gravioribus pectoris mor-
bis , annectit : „infidum id levamen esse ,
„ respiratio docet , quam maxime ac fere
„ unice in morbis pectoris observandum
„ Baglivius voluit ; ” hæc si prava fuerit ,

„ time semper , et si omnia reliqua eventus
 „ exoptatos portendant. 29)

Sectio cadaveris.

Lobulus pulmonis dextri ad diaphragma respiciens inflammatus quidem , sed non vera phlogosi ; est potius erysipelaceus rubor , qui hanc pulmonis partem obtegit ; totum autem pulmonem dextrum , pseudomenbrana undique circumdat. Interior uteri superficies gangræna jam correpta , medio hæret pars placentæ nigra gangrænosa ; liquor admodum fœtens ex uteri orificio stillat.

An non hunc morbum , jure febrim pueralem nominare possumus ? —

COROL LARIUM XXI.

Febris nervosa cum topica pectoris affectione.

Virgo 18 annorum , ira excandescens , altero die ob dedolationem summam vix ambulare potuerat , caput erat vertiginosum , grave , febriles sæpe persensit insultus , at-

K 2

ta-

attamen ad quartam usque diem neglexit omnem medelam , donec supervenientibus peripneumoniæ incommodis , nimirum pectoris oppressione , tussi sicca , spirandique difficultate , chirurgus incautus , ad vires vitales prægressasque causas minime attentus , venam secuerit & purgantia in usum vocaverit. Crescente autem malo , sexto morbi die , clinicum petuit cum viribus prostratis , febri asthenica & pectori affecto ; undique apparent petechiæ , præcordia vel lenissimum attactum recusant. Medicina ad roborandum ex cortice cum infus. polygal. adhibita fuit. 7mo morbi die jam melius se habet , pristina medicina & vini libr. una. Vesperi petechiæ disparuere.

8vo morbi die obvenit diarrhæa , mox in pejus ruit malum. Tinctur anodyn. gutt. decem ad corticis cum polygala decoctum.

9no die. Melius quidem , evanuit peripneumonia , sed vomituritiones vexant ægram ; polygalæ hoc imputandum , hinc omisla est. Iemo melius habet , sub hac roborante methodo. 15to morbi die sana , integra cum respiratione , clinicum dereliquit.

COROLLARIUM XXII.

Uteri induratio.

Mulier feliciter absque magnis enixa est partum laboribus ; post secundum autem diem , absque data causa , siluit lochiorum fluxus , obortus est dolor summus in epigastrica regione per duas hebdomadas durans , dein pedes inceperunt dolere ; ab hoc tempore evanuit ventris cruciatus quidem , sed remansit pertinax alvi obstructio. Paulo post , ærumnæ iterum in abdomen fixerunt sedem & pedes liberati sunt. -- Sic clinicum petit. Cum hos dolores spasmodycæ indolis esse crediderimus , varia antispastica nec non & amara cum arcano dupplicato ad pertinacem alvi obstructionem vincendam , adhibuimus. Ne hilum hæc remedia levarunt morbum , semper in eodem statu , cum magnis ventris ærumnis per vices redeuntibus & tenesmo multo , versatur ægra ; nec non pondus sensumque tractionis in infimo ventre accusat. Exploratione instituta , relatum fuit : os uteri hians atque labia prolongata , nec non uterum ipsum induratum & quasi in vagina incuneatum repertum esse. Ex hac exploratione , ex tenesmo sensuque ponderis tractionisque , nec non ex alvi pertinaci retentione & ventris ærumnis , certam cre-

di-

didimus diagnosin : esse nempe uteri indurationem ; hinc non bonum augurati sumus eventum. Ut tamen aliquid moliamur , pillulae ex extract. taraxac. cicut , sapon. vennet. , anna drach. una , pulv. herb. cicut scrup. uno , syrup. q. s. ut fiant pill. gran. trium , præscripta fuerunt ; ut sumat mane & vesperi quatuor. Altero die cum dolores magno recruduerint impetu , balneum tepidum & vesperi narcoticum ordinatum fuit. Tenesmus molestus post balneum remisit , sed sævit dolor in ventre ad hypochondrium dextrum usque , facies admodum pallida , subflava , anorexia magna. Linimentum volatile nostrum in partem abdominis affectum ordinavimus , auæta pillularum dosi.

Dolor de die in diem incrementum cepit , timuit illustr. noster Frankius , ne nimis irritetur uterus induratus , — hinc omisit pillulas & ad emollientia festinavit. Continuatio horum usu per quatuordecim dies , durities abdominis sensim sensimque evanuit , dolores remiserunt ex integro , jam non pondus ingratum nec tensionis sensum in infimo ventre accusat , appetitusque viget. Explorazione denuo instituta relatuin est : uterus non amplius induratum esse , nec incuneatum in vagina hærere , sed os uteri atque labia , naturali gaudere forma. Pau-

lo post, recuperatis viribus, sana nosocomium deseruit.

Alterum habuimus exemplum, ubi uterus quoque exploratione facta induratus repertus fuit, aderant fluor albus, sensus ponderis in abdomen, facies cachectica, dolores per vices, & menstruorum fluxus impeditus; cum autem adfuerit debilitas totius corporis, roborantia in usum vocata fuerunt, & balnea tepida cum fomentationibus emollientibus contra dolores; sic sensim sensimque evanuerunt omnia hæc symptomata, uterus duritiem atque intumescentiam deperdidit, & fœmina post mensem sana, ad suos redivit.

Videndum ergo, quam difficile sit, veram hujus morbi diagnosin eruere, ubi attactus nobis uterum tumentem exhibuerit; nam omnia signa uteri indurati (quemadmodum in exemplis modo memoratis) adesse possint, attamen intumescentia uteri sola, a causis nondum sat distinete in medicorum fastis expositis, ferax omnium horum symptomatum esse potest. —

Videndum ergo, quam suspectæ sint habendæ, omnes illæ historiæ uterorum induratorum, feliciter a medicis curatorum; uti apud
Ri-

Riverium 30) & apud alios deprehendimus,
Plura de hac re , alio tempore dicam.

COROLLARIUM XXIII.

Erysipelas cum febri nervosa.

Varia nobis occurserunt hoc anno erysipelata , methodo debilitante feliciter fugata , quia febris , quæ hæc comitata est , inflammatoriæ fuit indolis ; unum autem , cum manifesta febri nervosa (putrida auctorum) intessit.

Puella 19 annorum , jam multis labefacta morbis , ante quatuor menses pedibus iter longum ultra vires fecit ; media jam via cephalalgia obvenit magna , quæ non remisit , donec Viennam petierit , ubi pruritus in mamma sinistra adeo afflixit ægrotantem , ut in scalpendo quæsiverit levamen ; natus est abscessus , erupit , & pus multum fudit . Ad scholam chirurgicam delata , cum unguento digestivo & decoct. corticis quercus , sanatum fuit ulcerus . Paulo post , in altero loco ha-
jus

jus mammæ ; tumor ruborque apparuit ; brevi abscessus formatus , cultro aperiendus ; puris magna effluxit copia. Sub hoc morbo laboranti , quinto Augusti advenit horor intensus , calore multo , per viginti quatuor horas durante , insequente , prostratæ jam tunc suere vires vitales ; decoct. cortic. cum infus. polygal. exhibitum suit. 2do die , horror denuo , calor ingens , narium hæmorrhagia absque euphoria , vires magis dejectæ , oppressio pectoris , pulsus molles , diarrhæa ; cum hoc ultimum symptomam a radice polygalæ senek. derivandum fuerit , loco illius , decoctum corticis peruv. cum camphora præscribebatur. 3to , evanuit pectoris oppressio ; hæmorrhagia rediit , debilitas urget ; tumor ruborque bruneus obtegit pectus ; medicina hesterna & vinum. Ad mammam , sacculi aromatici. 4to , ad clinicum delata exhibuit veram febrim nervosam cum erysipelate profunde rubente super mammae pectusque totum sese expandente. Omnia hæc remedia roborantia , stimulantia , quæ hoc anno adeo felici cum eventu adhibuimus , in usum vocata fuerunt ; sed ægra recusans omnem medicinam , 14to Augusti nono morbi die , periit.

COROLLARIUM XXIV.

Scarlatina.

24to Augusti, juvenis ad nos delatus fuit ; exhibens scarlatinam cum summa virium vitalium prostratione , pulsuque molli ; nec defuerunt tendinum lusus, cephalea vehemens, oculi lacrymantes cum rubore suffusi , & fauicium profundus rubor. Domi venæ sectione atque purgantibus multis, tractatus fuit. — Prognosis non fausta ; decoctum corticis cum granis decem camphoræ accepit , omni bishorio vasculum ; duo vesicantia ad suras. Vesperi symptomata mitiora , deglutitio melior , nox quieta. Altero die mane bene se habet , sed versus horam decimam omnia hesterna symptomata magno redierunt vigore , trens calor atque decubitus infelix. Medicina eadem. Postmeridiano tempore melius se habet ; continuatus roborantium usus & brevi post ianuam, domum revisit paternam.

Variæ nobis occurserunt scarlatinæ cum febre levi inflammatoria ; lenissima medicamenta totam absolverunt paginam. In duobus simul linguæ intensus rubor atque diarrhœa non debilitans , in conspectum venere; & adulta virgo ad nos accessit, cui scarlatina, erysipelatis more , ambas obtexit manus cum rubore ac

tumore , ita ut has per totum morbi decursum , claudere nequiverit ; gravior cæteris ægrotavit . Epidermis in magnis decepsit frustulis ; convalescentia longa , (id fere in omnibus adultis , hoc exanthemate affectis , observavimus) attamen sine anasarcæ vestigiis .

In tractando exanthemata , vir illustris viam , quam in Epitome proposuit , secutus est ; primum atque unicum fuit , indolem febris inquisisse & ad hunc direxisse methodum congruam . Epidemia autem hujus anni , nervosa fuit ; ideo roborantia eximie conduxerunt . Raro conspeximus febres cum vera faburali colluvie , in primis viis , hinc rarissimus solventium usus .—

Nec non & Zonam ad lienis regionem in fœmina phtysica illustr . Professor nobis monstravit . Erupit hæc erysipelatis species sine dolore quidem , sed cum intenso pruritu . Paulo post evanuit exanthema , phtysis autem immedicabilis remansit , ideo ad alterum cubiculum delata fuit .

Pemphigum chronicum quoque illustr . vir hoc anno tractavit , totamque fere materiam medicam exhaust , incassum ! nam morbi ignota indoles , omnia elusit remedia .

Illustris noster Frankius non raro, ad ægrotantium lectulos accedens, rapuit occasionem de morbo, quem coram habuimus, & normas ex locupleti experientia tot annorum depromptas, elegantissimo nobis exposuit sermone; quas in futura quidem conservo tempora, juvat tamen aliquas hic memorasse, cum has in clinico instituto confirmatas conspexerimus.

1.

Ubi in viscere aliquo, dolores uno impetu oriuntur, qui mox sumimum culmen ascendunt ægrumque adeo cruciant, ut pulsus inde reddantur inæquales, & lypothomiae subveniant; merito nascitur suspicio, ne hi dolores potius ad classem nervosarum affectionum attineant, quam ad veras inflammations. Nostrum clinicum multa talia nobis, hoc anno, præbuit exempla; inter quæ primum locum habet, hepatitis illa nervosa, cuius historiam supra recensui.

2.

Stertorem in nervosis febribus cum Hippocrate & aliis, damnat illustr. Frankius, non

non adeo autem hunc timet in pectoris morbis. Re vera, multas vidimus peripneumonias cum stertore ab initio, sine ullo damno. Prosper Alpinus in libro de præsagienda vita & morte, cap. XI. de stertore in pulmonum affectionibus agens, annexit : „est itaque unum ex lethalibus signis. Sed „accurate tamen distinguendum, quo tem- „pore incipiat aut in morbi principio, aut „postea ingravescente morbo; nam si exi- „tiosum est, nunquam appetet, prinsque „alia eluxerint signa exitialia”. Et paulo inferius : „In principio vero pleuritidis & „peripneumoniae & febris ut vocant ca- „tharralis, quæ catharrum sequitur, vel „una cum ipso fit, aliquando ob excremen- „torum copiam, seu, ut dicunt, ob ca- „tharri diffluentis ad fauces atque ad pectus „copiam, non lethaliter stertunt; non se- „cus quam asthmatici & orthopnoici multi, „qui postea humore aut excreto, aut reso- „luto, liberantur”. —

3.

Si sub diarrhæa profusa magis tumet venter, statim ad corroborantia confugiendum est. — Vir diarrhæa chronica laborans ad nos

nos accessit; multis jam usus est remediis, intumuit in dies venter; alvi dejectiones copiose, flavæ, viridescentesque, 31) oris fœtor magnus, appetitus deletus. Illustr. Frankius, non habito respectu ad hæc signa gastrica, ob diarrhæam debilitantem, decoctum ex corticis simarubæ drach. tribus cum laudan. liquidi gutt. decem præscripsit. Evanuit mox tympaniticus ille tumor, & diarrhæa inde multo mitior facta fuit.

Simarubæ corticem in diarrhæa, commendat quoque Broklesby, in medical observations on military diseases. Part. II.

4.

Confirmatum vidimus practicorum effatum: si febri superata, adhuc unum alterumve symptoma remanet, ut ariditas linguæ, calor auctus, sitis, &c. semper reditionem morbi timendam. —

5.

31.) Dixit jam summus Morganius de diarrhæa loquens: „neque enim cum vulgo putandum est, „quidquid flavi, aut viridis humoris egeritur, id „omne esse bilem.” De sed. & caus. morb. epist. XXXI. Nro, 8.

5.

In chlorosi non raro tanta est irritabilitas morbosa, ut pulsus subduri atque calor adauētus, statum mentiantur inflammatorium. Sub hisce rerum positionibus, medicus dubius hæret, quid moliendum? eva-
cuantia non indicantur, venæ sectiones ina-
lum augent, & minimus roborantium stimu-
lus, jam immanes ciet turbas. Experientia
docuit nostrum Professorem: in hoc ambiguo
casu, nil magis malo adæquare, quam acidum
Hallerii; tollit enim irritabilitatem effrænam,
unde corpus magis ad corroborantium usum
aptum fit, —

6.

Mensium fluxus, febri detentis inflam-
matoria, supercedens, criticus non raro
habendus; semper autem damnosum sistit
symptoma, in febribus cum debilitate. Fœ-
mina gravi febri nervosa affecta, ad nos venit;
methodo congrua tractata, jam aliqua signa
optimæ apparuere notæ; obortus est men-
strualis fluxus largus; mox illustr. Frankius
infaustum prædictum eventum, & re vera, cum
omnibus stimulantibus, ab orci faucibus eri-
pi non potuerat. Bis terve, menses in asthe-
ni-

nica febri , cum dampno erumpere vidimus. Grunerus quoque dannat sanguinis profluvia in febri putrida. 32.) Attamen hoc anno non raro , narium hæmorrhagias in febri nervosa cum magua euphoria prodire , conspeximus.

Doleo me non consignatas habere , tres quatuorve morborum historias , quæ non exiguum decus addant , doctrinæ nostri Frankii ; inter quas certe primum locum tenet hy drops auasarca ; alterum peripneumonia cum febri nervosa , quæ fese nobis obviam dedit , fine hujus anni scholastici.

Vir dira correptus peripneumonia , domi quinque venæ sectionibus tractatus , malorum incrementum indies persensit ; quinto morbi die , omnes considerunt vires vitales , æger sub erecto situ saimmo anthelitu auram captans suffocationi proximus fuit. Sub hoc miserando statu , ad clinicum delatis , exhibuit : peripneumoniam ad summum culmen proiectam cum virium prostratione magna. Actum de vita hujus ægrotantis credidimus ; sed egregius vir omnem adhibuit roborantium cohortem.

tem in stupenda copia; accepit omni die, decoctum cortic. peruv. saturat. cum camphor. drach. dinud.; clysmata ex decoct. cortic. unc. quinque cum camphor. drach. una, omni trihorio; nec nou & serpentar. moschum, vinum, opium propter diarrhaem, liquor. anodyn. Hoffmann., ætherem vitrioli & vesicantia multa. Sic admirantibus omnibus hunc ægrum libitine adeo vicinum, duodecimo morbi die morti ereptum vidimus. Hic vir integræ frueas sanitatem nosocomium deseruit, sine ulla pulmonum labis suspicione.—

Primum autem magnum exemplum exhibuit, hydrops anasarca, quem egregius vir hyeme elapsa tractavit. Vir æruinis plenam ducens vitam, habitaculoque humidus degens, febri quartana laboravit. Neglexit morbum, supervenit anasarca, indies crevit malum, urinæ fluxerunt parce; hydrops nunc anasarca formata, undique hærent aquæ sub cute, & immensa est moles abdominis; vires dejectæ, chemosis oculorum, convulsiones hinc inde & visus obnubilatio; sic clinicum petiit, de salute desperans. Re vera obnubilatio hæc visus & convulsiones, metum relinquunt, ne sint aquosæ collectiones in cerebro ipso; magnus est ventris tumor, hinc ascites metuendus; pectus angitur, ex somno excitatur cum summis anxietatibus;

ideo & pectoris hydrops adesse posset. Prognosis infausta instituta ; nihilominus illustr. Frankius consilium sequens magni Sydenhami 33.) cum medicamentis aggressus est rem dubiam , & propter febrim perpessam , debilitatemque suminam , ad corroborantia confugit ; dedit decoct. cortic. cum oxymele squillitico. Post aliquos dies ægrum convulsum ac fere moribundum deprehendimus ; continuavit egregius vir in corticis usu , nec non & vinum & diætam lautiorem ordinavit. Nunc urinæ copia enormous omni die , concidit omnis tumor , rediere sensim sensimque vires , pulsus insurrexerunt , perseverat magnum lotii profluvium , jam iamque liber ab omnibus hydropis vestigiis , æger in vitam, methodo hac congrua , revocatus fuit.

Scio equidem non novam esse hanc methodum curandi hydropem , quam Brokles-

33.) Sydenhamus in tractatu de hydrope de ascita provecto loquens , annexit. „ morbus ad hunc „ gradum iam provectus , artis subsidia , quan- „ tum video , contemnit. Nihilominus medici „ est , cum certo scire nequeat , quantum ad- „ huic noxe visceribus illatum fuerit , curatio- „ nem omni ope moliri , remedii tam evacuan-

Klesby diffuse exposuit 34.) & quæ jam
a multis retro annis, sat nota fuit; sed
quidquid & dicant, experientia omnium
locorum docet, sanationem integram hydro-
pis anasarcæ proiectæ, inter rariores attinere,
semperque fusius describi meretur. Ite-

L 2

rum

„ tibus quam corroborantibus, & neque animo
„ ipsius cadere, neque ægro ut cadat, auctor
„ esse debet.”

34.) „ The Anasarcous dropsy, as has been men-
„ tioned allready, often followed long, lin-
„ gering, and intermittent fevers, where
„ the crisis had been imperfect, where extra-
„ ordinary tumores of the spleen appeared,
„ and where the solids, in general, had
„ been much debilitated in the begining and
„ progress of the disease. When these were
„ the only symptoms that appeared, and
„ when the disorder arose merely from a
„ weak state of the solids, the cure consisted
„ chiefly in ordring a restorative diet; a litt-
„ le Red Port wine daily; the bark in sub-
„ stance, given to the quantity of three oun-
„ ces in a fortnight, with iron filings, and
„ aromatic species, as before directed, or
„ a proportional quantity of bark decoction,
„ with a few grains of the aromatic species
„ boiled in it, compleated the cure”.

Medical obfervations on military diseases.
Part. II.

tum Switenium audiendum : „potest jam
 „ hydrops anasarca totum corporis habitum
 „ occupare , tum tunica cellulosa per om-
 „ nia se diffundat ; sed tunc facile patet ,
 „ difficillimam curationem prævideri , cum
 „ totus sanguis in aquosam tenuitatem de-
 „ generaverit ; tuncque Hippocrates , vix
 „ ullam spem superesse dixit , si omnis
 „ pinguedo perierit. Tunc & Aretæus ip-
 „ sa tympanitide difficiliorem curatu pro-
 „ nunciavit anasarcam : opportet enim me-
 „ dicum in hoc morbo totum hominem per-
 „ mutare , quod neque diis ipsis facile
 „ fuerit? . 35.)

Re vera illustr. Frankius hoc , ope corro-
 borantum , in nostro ægrotante perfecit , &
 fateor , ego , qui ultra septem annos no-
 socomium frequento , me nec unquam ta-
 lem hydropem proœclum , curatum vidisse .

En

35.) Switenii Commenç. in aphorismos Boerhaavii
 Tom. VI. hydrops.

En historias morborum ; benevole lector ! quas sedulo hoc anno ad lectulos ægrotantium collegi ; iterum iterumque veniam efflagito , si hinc inde errores , me inscio , subrespere ; vel si sermone non digno laude Tanti Viri , hujus præclara facta recensui ; promitto meliora , si Deus Optimus Maximus dabit otium,

F i n i s .



E r r a t a.

Errata

Corrige

- | | | | | | | | | |
|------|------|----|-----|----------------|---|-------------|-------------|----------|
| Pag. | 2. | l. | 5. | vacilla | — | — | — | vacillat |
| — | 4. | l. | 2. | pulsumque | — | — | pulsuumque | |
| — | 9. | l. | 25. | exacercatio | — | — | exacerbatio | |
| — | 17. | l. | 17. | feni | — | — | Seni | |
| — | 31. | l. | 13. | extrlectum | — | extra | lectum | |
| — | 31. | l. | 14. | saliqus | — | — | aliquas | |
| — | 31. | l. | 14. | ic | — | — | sic | |
| — | 40. | l. | 18. | Continuatium | — | cointinua- | | |
| | | | | | | tum | | |
| — | 42. | l. | 27. | que | — | — | qua | |
| — | 43. | l. | 6. | Petit - darson | — | Petitdarson | | |
| — | 43. | l. | 17. | felle | — | — | elle | |
| — | 75. | l. | 1. | ventricule | — | ventriculo. | | |
| — | 132. | l. | 8. | inchhoantes | — | inchoantes | | |



